

東州集

十一

卷十一

~ 16
2427
77



和
2427
12-11

東州先生文集卷之七

延原府院君兼吏曹判書李公神道碑銘

并序

延原李公之位冢罕操衡秉政當宣祖季年立朝
夕望晉宅鼎軸卒彰其功施而未幾時事大變公屏
閒退處迄十六年未嘗一日在事至癸亥今上之
內難旣踐阼卽其夜起公爲吏曹判書則朝野灼然
知人主注意至到而公已年邁不任劇露章固辭歷
七稔已已以勳封考終于位嗚呼三事公相固有命
哉謹按公諱光庭字基李姓出延安上世龔洪鼓跡
麗朝官太子詹事組綬相檀連代載烈六傳貴山始

事我 朝為都觀察使子日續春川府使不官連姻
王室與其子根健俱得罪廢根健生諱仁文僉知中
樞是生諱瑛仍父子登第卒三陟府使 贈判書生
諱慶宗礪山郡守 贈贊成生諱澍飭儒行顯名當
世曾任五言論事觸時忌斥守嘉山郡以卒 贈領
議政延寧府院君是為公考妣柳氏籍晉州靖國元
勲順汀曾孫郡守師弼之女以嘉靖壬子生公自年
六七歲受書贊成公恒目屬曰是將大吾門甫離童
已業成長解癸酉外上庠儕流咸推重莫之齒服膺
庭訓不專習博士家言後先居齊斬故偃蹇進取萬

曆庚寅始以教官捷文科辛卯由承文正字薦拜史
職明年儲宮建以春坊說書從駕避祗西土道拜正
言兼知製 教遷卽禮兵又明年癸巳天兵復箕京
公佐接伴使李公德馨實從其役尋以持平赴召改
兵曹正卽擢授同副承旨其後歷吏禮兵三曹參議
乙未秋以左承旨掌讞族獄陞嘉善為國子成均大
司成丁酉 中朝討夷酋詐歛再設兵東征軍興調
度悉倚辦于我湖南新中寇熒爛不全時公偵沈副
使從嶺表還旋拜戶曹參判往釐軍食其冬楊元稟
南原公脫身歸朝握南餉如故戊戌特超資憲隨麻

龍州集 卷之七 二
提督于蔚山己亥判度支工部漢城府尹又命督餉
湖路前後出入海漕奔奏積勤勩 乙卯歎之壬寅
由度支春官授吏曹判書辭逆爲大司憲秋奉表朝
京師清嚴方厲用身範下有楯裨爲父買寒裘旣而
不可曰奈何以己私溷我公於是古人之仰機利爲
業者率相戒毋犯公之在燕 上用前勞已命陞一
級使還加崇政階優 賜臧獲判敦寧義禁兩府冬
又自禮曹移長天官崇恬退屏私謁苟有蹊廷紹介
雖才必斥巷門無一跡闖茸冗散交口流謗不恤
也甲辰 上銜扈從功錫號忠勤貞亮效節協策扈

聖功臣封延原君其秋進輔國崇祿大夫延原府院
君自是處勲秩十八年爲光海辛酉復拜右曹判書
公以先朝舊故見朝政日壞象魏日益新遂謂病不
甯拜唯時時奉朝請已則杜門謫密恬穆自守殆辱
亦不及焉旣今 上循公議欲將大用公而公乃引
禮年漸免無所內顧而 上雅重公連判工刑未幾
輒辭最後丙寅留守開城其地舊都人祝爲利窟公
刮滌垢污濯以清流及秋解歸籍日用纖毫悉還官
府父老詠思時國家再罹遷播公自力從衛未嘗言
老病丁卯入江都益感水土三年而疾遂病 上爲

遺太醫齋藥守視計 聞輟朝加贈自歛舍以往皆
有司官庀葬于坡州治南駑谷之原從先地也嗚呼
公既歿而搢紳大夫曰世寧有清明溫與難進易退
如公者乎名利擊一世效其操而公雅道潔修歷夷
險無變爵位顯隆俯僂滋甚形勢之途如怯夫避害
嗟哉胡以範俗矣學士後生曰世寧有仁心爲詹巖
謹自治如公者乎謙光下濟出一言猶恐傷人而剛
方內立不與物往居極品幾三十年素履若一嗟哉
胡以考德矣鄉黨族姓則曰內行萬悌唯親懿最詳
公少事父母斤斤修子弟職既責不遠養恒言涕洟

撫其弟曰庭白首如嬰兒死則哭泣甚悲五月郊常
膳宗黨仰其仁里閭服其義已乎何可得也輿臺馬
卒則曰賤人焉敢知公迺權門要路未嘗見公車苞
苴請謁未嘗踵公門獨吾儕加額之望屬公未已今
奚以不克諧也於是李敏求謹次其輿誦而竊擬公
始卒曰公固中興勛賢臣以忠竭節以清砥行人臣
之誼若是盡矣夫起諸生不藉援引由卽署躋銀緋
連歲超擢遂臻盛位稱過於人主豈徒然哉遭時擾
攘念人臣愛惜筋力曷以輪分羈縻焦勞不擇利病
宣獻中外奔命於矢石之間未嘗問家室公之竭股

肱盡忠貞者若是而 上所以下報公者亦至矣然
自以受不世之知苟萌意漏益是爲負國所踐履皆
世所稱利柄一出入而溫其家而公益竭其水糜俸
祿之外不長尺寸居恒稱貸不能具二簋敬不羸乘
終始寒士 朝廷嘗錄公廉謹吏以風一世公其純
德令望謙亨安節者哉公凡再娶先夫人青松沈氏
考諱荀豐德郡守生嘉靖庚戌卒年三十有七後夫
人陽川許氏考諱潛開城留守生隆慶己巳卒年五
十有七俱有至行懿德宗族取法焉舉三男八女男
核參知文適正即柳聖民永旨韓亨吉爲沈夫人出

男粉郡守欄佐節女適輔德閔光勳 人朴文彬洪
宇遠李益培朴誠長朴粹行爲許夫人出嗚呼公持
身持家斬斬無瑕玷訓誨子孫一於義方推其未究
於用者以永後垂三子繼轍儒科材能顯一時而內
外子姓甚蕃琳琅駢秀亦行不置君子又知天以報
繁昌之祚益愈盛而未艾也銘曰

臣惟事君立爲大綱曷用自盡曰誠與清胞胞李公
允蹈其臧匪允蹈之克體在裏治于有家孝友愛表
出資王猷 皇祖是契雲雷構也 王播西灣恤恤
其園公扞于艱師徒丁萬八年于征驛驛其餉公司

厥程倉厥屢索實格邦計歸視其家鼎粥不繼營營者人莫問公廬謂公喪士冢宰司徒温温令儀不盈不持謂公靜者烟閣雲臺豐資晉用有監自天公操其券既多子孫非謙胡受非種胡獲我鏡斯石惟後人式

議政府乞議政謚康之權公神道碑銘并叙庚寅以後

嗚呼在昔 明宣之孫時號隆平治化溥洽其相權公實惟宗臣四總首揆有默運之功及年至致政上固留公錫以几杖而公去益力則輒以 御批敦

勉有曰卿德量足以鎮物才智足以誥國當今賢相莫踰於卿曰老成大臣國之耆龜曰股肱元輔霖雨舟楫夫人臣肩社稷之重稱遇於時君千百平乃幸一有况 聖諭欵至若不可一日無公雖殷宗之命傳說曷以過此公亦感 上之知三入四出竟卒于位是足以觀君臣之公歿五十二年始事下太常贈謚曰康之既又二十一年始以墓道顯刻屬不佞敏求夫年遠則公議之專久則實蹟泯顧不佞邈然後生愚無以論次實蹟恆當公議謹采家狀及長老掌故紀傳之繁而叙之曰公諱轅字景由權氏得姓

由太師幸事載國乘傳至文忠公近用文學名世是
生躋仍父子位貳公距公五代連川縣監諱摩楊根
郡守諱僑江華府使諱勗實公三世 贈連川公判
書楊根公贊成江華公領議政皆以公貴故妣順興
安氏以弘治癸亥生公自幼氣貌異常偉然遠器戊
子成進士甲午擢文科始隸成均館選入翰林余安
老惡直筆不阿遽寘下考 中廟下問權某見貶何
罪安老詎復史職移承政院注書 上每於文義可
疑輒以咨公一日 御後苑試製近臣公詩後成
上命中使趣進其受眷如此拜弘文館著作博士兼

侍講院說書己亥陞修撰自是至丁未 詔曹凱兵吏
佐卽吏兵刑五卽師儒則成均館直講論忠則弘文
館校理言官則司憲府持平司諫院獻納諸署則單
器寺繕工監司贍寺副正掌樂院司僕寺正春坊則
文學弼善中書則檢詳舍人此其九年間踐履或有
再入三人與閑官散班今可略也嘗告病請急 仁
廟在東宮亟遣內侍 賜以珍劑他日登 筵 問
疾錫爵以公邃於易學常兼講官甚有 恩紀及
中仁兩廟連歲禮陟公再監封 陵至庚戌由承文
院判校外朝拜承政院同副承旨 在院三年進都承

東坡集卷之七
旨歷兵曹參知戶曹參議時嶺南荐饑授公嘉善階
拜觀察使及瓜以都承旨 召入對便殿 上迎謂
公南甌百萬賴卿全濟 特賜綬帽丙辰 御筆擢
除刑曹判書湖南新中倭寇疆事大聳乃用公爲觀
察使兼都巡察使備禦得機且賊艇近岸卽停讖以
聞戊午華使御 帝命來丹 世子公以遠接使送
送無違禮移長夏官 上謁 光陵公充布營使部
勒嚴勅士無敢譁嘩大俄拜議政府右贊成時李
樛以累宰敗 上徇人望用公爲代旣而公再歷貳
公判本兵兼知 經筵而尹元衡得罪黜 御筆特

晉公爲議政府右議政卽丙寅歲也公處黃閣不涉
不隨維匡財輔甚允輿論 明主所毗士類所恃翌
年丁卯隆慶紀元公入朝賀 登極臨行 上軫念
行役引接溫慰且曰新 皇初政進退人物及嘉靖
舊臣之起廢收名老悉可訪問公退謂僚相 聖諭
出此悔端萌矣顯訟乙巳無辜雪寃昭隱庶有望乎
使還在途承 明廟上賓號慟欲絕旣復 命入對
首以正君心嚴宮禁爲說 宣廟爲傾聽嘉納其多
陞左揆居六歲遂都上相壬申春上章告老經年始
釋負踰月復畀大政於是求退益切 注倚益隆雖

問蒙 思逆而不數日輒被延登 錫予便蕃禮遇
殊絕以公蹈履有愆每進見 命小黃門扶掖至欲
令肩輿入朝戊寅公年七十有六政府大槐樹暴風
摧折公笑曰是徵吾死耳疾甚促令正席強起草遺
疏因氣之失聲曰吾不復見 聖主矣 上聞公疾
革當 慈輟講遣承旨臨問已不能言矣計 聞上
震盡特甚吊慰祭贈視例有加備物具禮宮庶襄美
居于揚州洪福山負乾之原公姿性厚重體氣方嚴
持心待物必誠以忠剴裁庶務志精慮專夷塗順軌
鮮有蹉跌立朝四十五年悔吝靡及歷應仕久秉鉤

軸而人不敢議其疵咸以推長德每公留意國事或
明燈速曙所重者唯安民固圉其遇四方客必詢生
民利病關防綏急以至土地境沃山川險易無不審
問而周知故酬應措處悉若目見親履平生不喜華
靡不通問遺論大政夾大疑不立意見必循古典遵
守 歷朝成憲無所紛更尤重刑法嘗曰先人教以
口不道殺字故吾屢長臬司未嘗敢輕用人命必求
生道始忤金安老而陳復昌怙安老張甚公面斥其
小人李樑尹元衡相繼竄殛而公輒得其處猶陰陽
晝夜君子以是卜世道身內行淳飭盡孝祖先宗子

貧無以立廟則罄家貨以營文忠公祠宇歲久頽圯
則又爲之脩葺撫養宗族經紀昏喪皆出於公初
無難色嘗曰二親在世日給糜繼不肖僥冒專享厚
祿負未之歎實切中懷及寢疾謂諸子曰 國恩隆
重死難稱報既無功德可紀死後無所事碑碣書某
官姓名以表墓道使後世知吾善惡足矣更不及家
事但語國事諄諄不已嗚呼周旋 四朝蔚爲宗臣
在公在家旣壽且祿生罷其榮歿無殞名膺受五福
澤流子孫若公者豈古所謂令德全昌終始完人者
非耶仰惟我 國家累聖敦化薰蒸融徹以萬生魁

碩以登熙平其遠猷長慮陰培默植扶元氣而壽國
脉者非睹跡膚識可得指數一二故至今譚國朝賢
相者必第公甲乙而事業猷爲無能舉其凡最夫人
昌寧曹氏有懿行高識後公五年物而祔焉舉四男
曰恒廣興倉守曰豈戶曹佐郎曰恂同知中樞府事
贈左叅贊曰慄用文科進破倭寇立大功以都元帥
開府策宣武元勳 贈領議政永嘉府院君謚莊烈
孫男曰仁慶都檢府都事信慶庠生女適吏曹叅判
李有中叅奉朴元虎公州牧使韓宗胄完陽府院君
李忠元爲恒出曰女適叅奉鄭龜應右議政金尚容

祥生俞大願爲愷出曰晉慶黃海兵馬使履慶金城
縣令益慶平寺署令曰女適永興府史李壽俊爲恂
出曰女適領議政鰲城府院君文忠公李恒福爲慄
出四房內外子姓克蕃克昌門戶鼎盛君子又以知
公歛積於躬而遺贏於後者豐隆如是云銘曰
權派於羅受之麗始綿綿代序或躋或起溥與其宗
百福全昌文忠承之與嗣俱驥三世位庠以有康定
康定當朝乃遣 二聖 手挈魁柄界公調元公諧
庶政不疵不煩治有常經刑有常憲我司其隼百寮
攸勸公拜稽首曰老乞身 王曰家耄卿子舊臣庶

無兩濟邦釐疢登公在刑府有凡有叔公登于 庭
有振黃門存榮汝表終始 隆恩至視功載疇匹其
休有烈象賢雍公是逮于孫繩繩並國盛衰刻詩著
聲於永厥垂

議政府左叅贊尹公神道碑銘 并序

天之生閔材全德也不數數旣生矣又患不逢時常
遺恨於世道故坡平尹公工曹判書諱國馨議政府
左叅贊諱毅立仍父子負重望朝夕鼎軸臨其壘而
中躋不克臻大位世多疑之至五行家皆標命堪輿
家咎宅兆此可見輿誦身叅贊公沒旣十年其嗣世

獻以狀屬不佞神道之錄不佞於是無愧色矣按公始諱義立以事中改字止中其先等達權開運拓境並載勲烈樹德啓慶門闕冠三韓後世諱之崇敦寧府正實公高祖生諱廷霖利城縣監生諱希慶慶山縣令是生工曹判書府君聘平壤趙氏經歷秀文隆慶戊辰生公公質厚氣全表裏完粹旣實旣幸金剛而玉粟必治家學高曆甲午擇楊選翰林燕春坊說書轉弘文館正字在 經筵常論 上所御非法服宜廟遂取中朝人書帖以賜之陞修撰燕春坊司書 辛丑 肅遠公 後入玉堂爲校理副應教首言中使

國兵之失因勅湖南方伯李即老饋遺豈朕爲取媚時多其點正及爲司憲府持平嶺南人又景虎追論崔老慶竟死將以領一隊人公言其已甚連職連拜 憲令司諫燕春坊弼善司成翌年以 御史巡海警僑還爲楊州牧使居三年病免乙巳加通政階知江華府居三年又以病免戊申拜承政監承旨己酉知廣州及瓜丁判書公憂制除中戶曹參議出知春川三年換洪州丁巳進嘉善大夫人爲判決事知長湍府蓋三以專城奉大夫人備極志養嬰兒保而赤子暮也旣喪公年五十四以老能致毀自盡服闋以右

尹儉毛都督于西島至甲子有庶姪詐死投賊寔以
反誅公在法當醜完平李相國與玉城府院君張晚
一口言嫡孽仇隙有跡釋不問公三疏請從坐上
特加溫慰然公已無意於世而毛帥方蓄怒厚誣不
已屢除刑曹參判開城留守慶尚監司延安吉州兩
邑俱辭不赴朝廷諒公無絲毫過又當調毛帥耳目
後授密陽則臺諫又以游辭擠公至丙寅始赴慶州
起三年拜嶺南觀察等言者所持 上察公積忤時
議斤斤不可 特除刑參左尹繼有關北之 命公
益感踏不安血疏斷辭 三益敦勉強起賜封以遣

蒲歸拜秋官辭湖南節知仁川數月按湖西甲戌自
夏官按邦畿報政貳春官本部丁丑用南漢 扈駕
勞增秩嘉義擢長司寇公俯僂滋甚且嬰衰疾固護
踰月不准辭大臣爲言之乃適自是五年病日進不
抱於宗伯京光知春秋之拜不能自力唯左右參贊
官務稍簡就職養安及再長春官再以病免時清人
責六卿質于諫官遂疑公率私負公純以削黜 上
雅信公忠盡只 允罷職數月復叙而公已困不任
朝謁竟以癸未九月考終葬積城庚申洞負壬之原
嗚呼公內積德羨羨之於爲持身持家絕去瑕類孝

於親友於兄弟宗黨下建僕隸莫不盡其施設方疎
屬有以事來赴其兼濟急難曲有恩意平居恂恂物
與無忤考其言行懇實如一措之政術才周誠篤凡
八典方州三更藩臬操約而務舉令出而人信咸愛
戴如父母旣去輒堅石頌德其巡行圻邑揚之民父
老驪呼道路曰我公來矣然公旣坐世故連蹇挂闕
而後進新貴袞袞升台鉉相續崔相鳴吉嘗爲冢宰
謂其寮李敏求曰尹公誠廉廉器惜其年適時老成
地登不一二數則雖知非至言亦以見公議所同公
以信私杜滌羣謗服 湯渥荷殊遇作懷 思錄以

本一源分一氣懷祖烈感似續作內外世譜先達名
公厥有懿問實該金石是哀是摭作挹薰錄寧故諺
俗交耕諷聞有核有訛爰取爰舍作野言通載偏側
朝端身蹇道屈結情丘壑興懷永慕作山家清事乞
於論誤悉關於世教有味其言之也前夫人軍器寺
正竹山朴文榮女舉男仁迪早夭女適牧使黃灑郡
守安鏡侍直朴以章縣監李孝承後夫人楊州牧使
草溪鄭煥文舉男縣令世獻世亮世翊女適持平吳
捷垣黃灑生子大司成泰及策女嫁尹潯慶進士趙
相漢進士朴千榮都事沈瑞肩朴信室安鏡生子壽

星五星弼星女嫁辛益慶以章生子之顯之顯李
孝承生子府使東星東垣女嫁參判申濡崔泰齊南
斗後世獻生子以乾以坤女嫁金洪命金翊夏吳提
垣生子如喜如大銘曰

爰始坡平源濬派長聯迤代序不泯其光尚書中奮
參贊夔敷克類克昌是父是子相彼清廟其器圖方
其盛必芬神所享之豈無高位而靳三事豈無顯庸
而闕大施善德自躬歸餘於後多收嘉慶十世其有
粵詹紺徽君子攸藏於千萬年既固既臧

京畿觀察使沈公神道碑銘并序

越歲執徐烏冠內躡逼京邑 宣廟卒起幸龍灣廷
官咸奔迸四竄時則青松沈公方任戶部正郎未及
具梁隸從衛艱難卒效其勤力號才能臣萬曆壬寅
卒官京畿觀察使後三年追錄從 駕勲及宣武勞
再 贈公忠勤貞亮效節協策扈 聖功臣六臣輔
國崇祿大夫議政府領議政青溪府院君兼官如真
拜嗚呼遭時板蕩雲蒸龍變昭其功載策名盟府庶
幾趙衰申胥其人而國家錫報之典亦可謂盛矣按
公諱友勝字士進號晚汝上距青城伯德符爲七代
是生溫與其嗣曾仍三世都上相判官諱爰舍人諱

順門通禮諱達源京畿觀察使諱銓俱 贈崇秩卽
公之杞也沈氏吾儷 宸極門戶高華異於它族獨
公服禮敦儒行績學居業舉癸酉進士庚辰文科初
隸成均館丙戌轉監察後歷戶禮曹佐卽慶尚京畿
都事刑曹正卽及從衛西還道拜正言持平時兵氣
益熾邦域益賊所仰賴唯 中朝拯授公膺使介疾
馳赴燕都血誠號籲 中朝爲發李如松提大軍東
出殲西京賊 上卽擢公承政院承旨已而乞養得
春川府丙申拜尸曹參議國家新罹鋒焰公私亦立
至事難調集輒委公辦蓋西屋相室之唯 上亦以

公爲材 特晉公本曾參判天兵塞都下作氣勢公
肆剽劫里閭無敢出聲適經理楊公詢公兵士陵藉
狀公於座手疏其實累百言楊公大加獎詔而門下
噤意發惡言 上爲罷公職然益歎公敏而有文庚
子以右尹兼管備邊司明年按邦畿積久勞浸以成
病至壬寅太夫人棄諸孤公執禮自盡疾遂革以其
年六月捐館葬廣州退村負癸之原公天資闔達剛
而不劇辨而不煩清明介立而不忤於物事親孝友
於舅弟仁於宗黨與朋友交終始一於誠始釋褐被
嘗路沮闕陸沉下僚初無坎壈邑逮其遺契竭節以

奉公用之盤錯施無不可尤長於剽劇遇事精解剖
決游刃幾轉孔道也大而督府將佐下至輿隸結轍
日千百率以敲扑濟欲儲胥供億蹄穿踵踏交踞斃
道路散亡繹騷公以爲邑有大小役有偏重而長吏
每廳調而意設故豪吏占其便而小邑受其病乃算
一道田賦總計劑爲分數視其多寡而均其科役民
始息肩其後遂踵爲故事朝廷方倚公更革弊條而
公遽沒矣公立朝二十三年開國政未滿九載其獻
爲已舉聲彰著如此使天假以爵究行其志業功施
所及詎但止此而已惜哉夫人順興安氏縣監容其

考也御家有法晨起片坐冠帶好使僮首盛時間以
內甫而治也後公十年卒而村坊其子取九子諱爲
後位輔國崇祿大夫吏曹判書廢子諱武科縣監判
書二男五女乃掌令光洙縣監光泗女適許賓監司
吳端安千健柳莫李巖光泗七男楫栢相福進士掌
令子之餘幼監司五男提一叅判提垣修撰提緯佐
卽提壁提昌進士四女長奉事李象昂次麟坪大君
夫人次進士李壽蕃柳以泰千健生光郁縣監莫生
丞培引儀巖生天漢自公歿五十四年事日以闕疎
不候外王母實爲公勅不使受以重子事公略紀一

二以為銘曰

惟青有沈有潛其源 二府承乾三相贊元繩繩不
替乃有我公我公爰喪遺跡自躬潛于即署處龜乃
亨從其牧留契我天明事或邦賦遂殿崇祿由茲世
職奏功兄若既忠既孝勤勤終終崇封 寵贈豈釋
宸恫惟名與聞載烈于未刻詩于堅以代銘也

全羅道觀察使黃公神道碑銘 并序

湖南觀察使月潭黃公既謝事屏居鐵原先壠之東
地號佳山水築精舍樓運娛老手植松栢皆拱把以
上不崇以卑山于就拜公床下公方懷棄世紛超然

與造物者遊不俟窆之經宿乃退後三歲聞公卒

不俟久念傷心不忘今拱把者合抱矣公長督同僚

人公正沐托不俟墓道之刻不俟諡何敢辭按公諱謹

中字一之昌原黃氏自新羅左政丞河應高麗兵部

尚書信簪紱相嬗曰居五入本朝位刑曹判書三傳

至高原郡守 贈戶曹參議諱澄生豐儲守 贈吏

曹判書諱浚源生典簿諱湯卿生永春縣監諱瑋仍

父子 贈領議政實為公四代祖固城李氏正印後

女嘉靖庚申生公元資長厚學能知方早以藝業見

重儕流己丑赴生官式西屋相尸文柄得公卷喜曰

辭事俱妙場屋餘倫遂與第一壬辰變作 宣慶駐
駕龍灣公糾廣同志浮海上謁 行在 特除典艦
別坐俄而聞二親避兵東嶽解官尋省旋察訪景陽
道轉內贍直長丁酉由 不官衛率遷戶曹佐評以辦
職開一日 上對 中朝大官急召公詢三南餉餉
大數公出袖中帖言口對某路見調幾許某地當調
幾許甚悉 上悅卽陞直印舊例傳局評必選用文
武吏屬時搶攘需材以公志守九副志管牘多令理
管事得諸舉戊戌監於禾縣入朝屢經刑工曹王
軍器判官萬曆丙午始擢文科授慶尚都事明年自

禮曹立卽拜司憲府持平又明年元海罷歸位者一
新公亦浮湛散秩頃之出守金山以二親年至授令
甲近移楊根入爲直講相禮白沙相檢公治行薦授
安邊府壬子御史言政績最一路增秩上大夫甲寅
進拜江原監司時二親俱臻大耋蹈履甚安公與弟
敬中迭按本道致物策養光耀邦域人人爲父子者
莫不以二公之孝望其子而議政公之福祝其親乙
卯拜同副承旨陞至左副乞養得洪州公辭不可以
遠吾親免授春川公去安邊再踰歲其人誦德如一
日北伯上言旣去而民愈思故爲異蹟卽褒加嘉善

大夫辛酉出按湖南時亂政滋豐數調優倡雜戲以
踰觀公輒弛期後葭光海怒謫公奪資遇赦免別宮
之役功費鉅億多縱無顧差幹聯禁掖縮權豪公肆
殺攘公又斥言其推剝積上下怨以公治無害未有
以罪也朝廷謂公設施有方尤能修飭戎備請進公
一階嘉義大夫及瓜不許代至癸亥乃適國家始更
化新貴出角圭喜持人長短公自念老衰被病寧可
冒涉周行苟冀尺寸強起謝復叙 恩遂斂跡去
優游丘壑混并於耕釣不以物累經懷接遇鄉隣父
老一飲以和濟其有無時節酒食溫慰毗俗忻感

慕逮公沒不衰公雖遷處田野久絕當世念然聞西
鄙警急出家貨以助興盡其義分夫士策名登朝惠
不能樹立亢宗宦旣成又乾沒進取冥行不休者滯
滯也厥或有久宦思退又患稅駕無所默默以沒齒
今古何限唯公中歲縮金緋出入爲家國光知足知
止克蹈其臧返身初服安其田里庶幾令譽以獲終
吉退保優閒八閏歲籥以癸酉正月啓手足春秋七
十有四計閩祠宮臨吊祭如禮從葬其七世判書公
龜次其原負甲夫人光州盧氏左議政嵩之後考曰
贈左承旨大忠旣順旣慈甚宜閩閩後公五稔坊柎

葬公內行飭修事父母承意必先及違內外制已迫
耳順致毀自盡待杖乃起每遇諱日必齋素宿戒不
以年艾自假黨親歸其孝與人交有終始宋公象仁
非罪配絕島人皆掉手以避獨公通問遺周顧如宅
日來後還朝亟稱爲古人懿節臨官練達無滯務無
批政所歷必有聲績可紀然由卽署掇科目暫試臺
省旣乃連蹇州里晚出兩路粗見其一二最其切令
無以舉其全惜哉惟其積厚者施豐庸耆耄報隆屈
仰予奪操契必償不見其人覩其孫不知其德視其
門公流慶啓後子孫多有白出之貴方有重一時遺

羸所蔽於顯厥世男長卽僉正君次縣令漢女適判
書鄭廣成側室二男濛洹僉正五子道亨郡守道長
學生道昌僉使道平生負道光進士三女適權六年
別坐權僉金萬如縣令一文適進士朴守古判書三
子太和今領議政致和叅判萬和正言一文適判書
尹絳中外曾玄其麗甚繁錄曰

受爵致冠彼人孔取旣進旣退比今有裕黃公擁節
藩臬是履輪軌徐駟見險乃止樂哉寢丘宜鈞宜耕
興居以適卒歲怡情東山之麓實惟世藏迺迺百代
無出其壙攻珉勒辭孝子所營告敬于行式此九京

蘇州集 卷之四
領議政金公湖西宣惠碑銘并序

均田出賦自三代大備九一什一貫王政之大經達
世下衰貪暴作而民無所措手足至秦廢井田開阡
陌而兼井極矣先王惠鮮之道又何可言也我國介
處山海地狹隘方里之制既無所施用則父師聖法
概見於西土一區而止耳陵遲千載民日益以困其
始制地者隨其田所出爲束者十爲一負爲負者百
爲一結計結出米及布以應公家之賦由是而收之
不暴用之有節則亦不悖於助徹之遺意也惟其任
土之貢一切取米布百物調度之須以至蹄踵門戶

之費率倍蓰以徂而邦本悴矣注萬曆戊申年阡完
平文忠公始爲大同宣惠之政用之於畿輔而畿輔
蘇後二十年丁卯吉川君權公盼爲湖西觀察使時
則湖西民尤敝於畿輔權公乃取完平之意平停一
道田役出入劑爲潔法事未卒行籍以藏之後十二
年戊寅故相國金公實按是道覈視其籍歎曰活民
之方不是外矣早夜以思忘寢食擘畫籌度纖悉
畢舉入朝未幾爲令 上初元位遇益隆晉登鼎席
殷勤啓沃之暇首先以是說進 聖上灼見利害之
源凡所設施綱要唯相國是聽於是號其局大同廳

東州集 卷之二
選大僚庶吏以備恭位指使其爲法通筭一路田案
邑無問大小唯覩結數多寡結出米十斗舟運上江
其山僻遠海州縣準米出布咸委輸于京師自 御
供奉 宗社祀享接賓客凡百需用細至芻稭薪蒸
之屬皆於是取辦官無所濶狹弛張吏無所伸縮乾
沒無更賦有常調民得服田安業以春秋二時具其
物趁期會暇則養老育幼嬉娛田里歌詠 聖治而
已行之六年民以爲便夫文忠公爲惠未徧吉川公
徒籍莫施准 金相國忠勤彊果能轉意於事功衆嘗
而不恤羣沮而不顧講之彌精守之彌堅解萬姓倒

是之惠建一方萬安之策 朝廷方推而行之湖南
其利不可以一二數相國之爲德於民吁其盛矣嗚
呼相國操仁民之術 聖上恢敷施之量上下相須
迄臻厥成相國之遇 聖上可謂千載一時矣昔當
陽侯杜預請建富平河橋羣臣多異同者橋成武帝
舉觴屬預預曰若非陛下之明臣無所施其巧後世
不稱杜預之績而唯歸美於武帝今大同之法實大
造于民豈特一河橋濟行旅而已雖然 君天也天
不可以形容大德則樹豐碑于衢路以稱揚相國之
美亦湖民之志也相國名靖字伯厚清風人其爲相

專以憂國奉公為務銘曰

扶蘇舊壤海流于旁環疆千里厥土燥剛農功舞效
皆窳薄生一困于歲溝壑靡寧勞耕苦穡歲入卒殫
畦征畝權民食阻艱天監在下 大聖爰作 聖作
伊何從以輔頤以登我 辟以惠我人更絃易轅為
法于仁庶收簡歛毋罄而藏粟米布縷取一而巖春
秋供事灌于司會歸安其室狗夜不吠徐起視野禾
茂麥秀朝夕鄉井老老幼幼自今伊始迄于永世既
飽既佚相國是賴匪相國是賴 聖后之德衢謠塗
詠曷以報塞孔樂南土豈碑有揭我鏡斯文頌義罔

刑曹判書吉川石權公神道碑銘

崇禎三年辛未刑曹判書吉川石權公卒公二子先
歿嗣孫躋奉寔公仁川道章山治列壤樹惟神道牲
繁石未及顯刻而躋又亡以遺其子冒惟冒銜恤績
事攻厥石請余文紀之則公之域荒矣知公者益鮮
則余不佞何敢辭按狀公諱盼字仲明號閉戶安惠
之權得姓自太師幸赫世鼎蔚遂我鮮吉昌君近以
道學替成事踈用文章左議政擢翊登 光陵俱鑿
盛位再傳參奉諱懿郡守 贈左承旨諱詠 贈參

判諱願 贈左叅贊諱和實爲公四代祖考妣坡平
尹氏副正健文以嘉靖甲子誕公幼兩失怙恃太母
宋卽圭庵先生文提誨有方禁不許嬉敖微逐及長
聘判書尹公國馨之門薰染居多甲午始授軍咨叅
奉事無罅漏超拜地部卽乙未監交河縣治以最聞
其多舉文科歷禮部卽賀 聖節京師還拜開城經
歷辛丑由正言獻納出爲大同察訪旣迎送 詔使
以文學徵陞弼善相禮輔德兼知製 教屢遷校理
修撰甲辰知安州牧爲治一切辦釐雖展履間罔不
整飭兼脩戎務甚備事 聞加獎諭丁未召拜持平

兼弼善轉應教朝廷以保障爲急出公守江華設施
興作動中冑蔡簽丁繕械悉倣戚將軍書兵民大和
特進階通政壬子拜公州牧除湖西均田使癸丑按
慶尚道秩嘉善時公先吉昌君世幾絕宗人以公上
請遂襲封吉川君嶺南地鉅民殷牒訴雲委且與弁
夷接防虞朝夕公提衡一路征徭大而應 上供款
降价細至州縣日用調度蹄脚門戶皆有恒式成案
以釜山岸海旨風敗戰艦乃掘浦爲港以藏船舩以
無患乙卯以巡檢使按海防舉三大帥枯勢虐威悉
條舩上戰備戎具下及沙灰綯索之微無不畢錄以

東坡集卷之七 三十五
訓戎諸鎮先是嘗兼管備局舟師經務一倚公爲重
時以朝 命行邊或羨寮佐閱視至丙辰自羅州牧
再授江華屬西鄙方聳審輕重爲去就則兩府人爭
於境上皆曰我公也治一如其舊而戎政益鍊貳地
官六年癸亥始遷授咸鏡監司 上加錫賚以遣曰
予北顧無憂矣明年解任長銀臺固辭不就又明年
按畿輔秩資憲秋朴應晟締兇徒告密公亦在途中
旣置對事益白出而陳疏斬免者六 上終不許及
瓜 特命仍任丙寅觀察湖西至年胡變 東朝視
師南眼公謂江給餼早夜焦劬盡瘁罹瘵識者共歎

前後蒞四臬政允平徭規畫纖悉皆可爲後法湖西
民尤困於征藝乃取列邑土田多寡平券其出賦以
供經用法旣具未行籍而癘之後二十年相臣金公
堉舉以爲大同之政一路大蘇息秩滿又視留篆以
漢城判尹還朝再長秋官請讞詳允獄無濫繫嘗三
覆死囚論刑徒死不蔽法竟矜之其不專任律如此
立朝以來用才敵見器南北著庸若不可一日無公
當官赫赫必盡其勞能剴裁精審終始無纖毫差繆
公明所燭物莫能欺遁猾吏多佐公爲治勤勵事功
世以方陶長沙其人內行修飭奉先盡其誠旣老猶

行祀必躬疾革臨諱日却膳以小學家禮爲日用伯處士公早世與季舍人公睦愛盡倫及亡發言涕洟撫孤幼俱至成長諸姪亦呼公爲爺推祖世思義悖宗明譜疎戚咸以爲歸遺誠諸孫以生不能禪國死無請謚重吾累嗚呼公之先俱享壽祿遠中葉連蹇不振者四世乃有公宦達矣然壽止望七爵限八座譚者猶惜其未究夫人坡平尹氏閨儀夙茂以女士聞十五歸公生二子永文正字傲禮曹佐郎獨二女適牧使李如圭進士睦樂善夫人後公沒八年年七十五卒而附伯氏議政公誌其葬諸孫曰濟府使蹟

趾頌大君師傳婿持平尹元舉生貞金挺冲副率韓後琦李明徵爲傑出口婿沈之涵李聖民爲傑出口進士象乾象坤象謙奉事象與婿判書守基崔崔有石洪彙李龜徵爲李如圭出口林宗濬李海安正言丁彦璧爲睦樂善出中表也玄不錄銘曰

樞基並麗世烈燬吉川之封遐紀祖武治子有家以孝以忠漸于通倫羽儀在公歷試諸難慶績攸康悉愆四藩旣廣旣長敷政清平吏戢民懷王勞爾庸與我臬司靖共朝夕戎敬由徵復蕃終如荷其嘉祿相彼平阿其窳孔寧銘詩觀石於赫厥聲

伯氏領議政分次奉命神道碑銘

元兄議政公用回甲之歲甲申二月捐館舍治命曰
吾神道文屬余季時不肯敏求滯寓西南既聞而悲
之蓋不為也為虛盛慮負泉壤為之也思無以信當
今與後世實兢兢焉公諱聖求字子異號分汝七世
祖敬寧石諱排山獻陵其後牟陽諱植仙槎承
孫河東諱格代以宗籍封君祖兵曹判書諱命
吏曹判書文簡八諱辟光俱 贈領議政出載烈
妣安東金氏上洛公後養禁府都事諱大汝之女公
幼鞠于太母柳夫人

不學如就家塾造語

人奉癸卯進士戊申大科兵部辭俱居之
文院選入翰苑兼春坊說書中丞監與籍博監宗明
年歷諸曹即入玉堂為校理自是屢踐館職言官持
文簡公長憲府弟敏求處玉堂而公為獻納數日一
察三人並列三司殆哉方奸臣構大獄以及 母后
臺諫鄭造尹詔創為別處之論公持正議不抗士人
已側目矣白沙李相國嘗任鄭浹邊倅浹生逆死論
者以是持白沙公罷相公為持平抗言浹之虐用安
能逆知反狀波及大臣為已甚奸黨嚙前後憾且以
公將入銓席劾罷公甲寅外叙伊川縣監翌年丁未

夫人憂制除拜未平判官寄治抱川事多新創設施
中窾公私和輯其秋白沙相死景所歸葬抱川邑人
立書亮以奉 沙公不悅者因是大喚以公倖其邑
居據為案罷職不叙終始商說如此權輿柄國既久
欲以訂調停游說求速化者不能無漏跡公聲立頹
流斥言其非倖癸亥 反正初政擢拜司諫刻與仲
在辨遇邪正如寃縱濫繫弛禁都門焚沈香山罷遣
女樂省公首蒙以贊新化還議政府舍八薦儒將由
副應教又薦為江華府尹己丑春以同副承旨徵移
在兵本議大司諫徐公滄長夏官至言二由文貞公

曰參議公近與共事當大任者必是人也丁卯春參
議吏曹扈 東朝南下既還荐更史議大司諫兼承
文院副提調明年以左承旨試武科吉州疏陳民瘼
十六條用鞫獄勞進嘉善階全南監司其冬文簡公
暴風疾革 上為哀宣傳官諭以急歸無待代仍遣
大故服闋卽其日拜大司諫都承旨冬特除吏曹參
判兼副總管 經筵春秋館事 世子右副賓客癸
酉特授兵曹判書則俞伯曾引護享微嫵論改之士
論甚其巧詆卽拜大司憲刑曹參判按畿輔歷大司
憲副提學都承旨乙亥正月天官卿缺 上命齊薦

從二品以授公兼知成均丙子適拜刑曹判書大司
憲夏判本兵體察副使舉用必公兪蓋胥沅十二月
清兵燬烽疾驅三日而傳國都 輿駕邊幸江都寺
出城候騎踰沙峴 上轉入南漢則敵兵日益滋闔
城無人邑獨公舉止安重如平素上下荷以爲重與
諸將分城以守大冠戎衣挺立大旗下曰我欲明白
死或見大事已去請早從降議免使八路糜爛公曰
王師一未入鋒外鎮幸全何可遽議降歟旣而城中
盜急定計出城 剛君入資洛陽諸大臣老不任行
乃進公右議政乃步左揆旣使朝廷委公更定約條

而彼中情形與我大別則人以爲棄矣庶事一子羈
非被俘公見之若無情及其勒贖驅遣則人以為贖
子啓後弊無論體臣主兵誤國并公罷職葺草屋
東郊打頭容膝處之晏知賦詩曰田中苦菜猶嘗膳
郭外茅茨當卧薪所存可知也戊寅復叙領敦寧府
庚辰又奉使清國辛巳十月拜領議政公居位務全
大體不爲刻覈之論每從讜獄多所平反而至當國
家大事挺特不撓無依違去就色龍灣人崔孝一自
拔歸明朝清將以府尹黃一皓振賄其家族將加刑
戮公爭之甚確清將怒曰苟如是不得三日作相僚

相見彼意堅欲止無辨公曰雖不能一日作相視人無罪入死地何可不出力以救自公秉政備歷危險左右爭撻動不得如意人或規公宜少降志循時以濟事者公歎曰作事在我成事在天身可枉己而求合壬午秋史官引進非人公駁其私削其薦劾於是敲撼四叢承旨洪茂績盛氣橫訟所言尤慘礮公引疾章十上乃遣拜領中樞始公在翰苑僚員引戚晚入史局公執不可獲罪罷其重史職不憚於確貴至老不變其多清人至鳳凰城以李焯任宣川時接遇南船鎮以去仍連在事諸宰舉朝震駭道臣具鳳瑞

言李焯納赫蹄書悉輸我國陰事上下憤嫉旣誅李焯已又議收族公曰焯罪固宜萬殞至其漏言之云獨出於鳳瑞一人而潛上諸臣李景曾等扶危與相挾迂宜覈實以處時議指公爲護逆始請削黜至加流竄上只允革職僑寓揚花江上榜其庵曰晚休嘗曰遭逢數十年汨沒波流晚得閒適甚愜心賞籃輿竹杖逍遙散朗自同寒士家嘗失火出坐田間曰酒瓮無恙否因命酌以謝鄉隣餘無所問癸未叙領中樞府納祿謝事若將終身越五日聞世子回轅強起迎駕因感疾遂不起始歿白氣上漫天不散光

燭地夜明觀者異之官庀葬如禮屠于揚州長興里
公羨風度標舉軒然五色朝端百僚竦敬寬和有制
人不得以親疎未嘗官崖異詭隨未嘗官聲色加人
而幕府將佐皆伏抑首汗背退而不自知其然也久
處顯位却掃靜穆門無苞餽巷絕私軌要津形勢罕
所接遇及居江湖賓客過從必有酒食禮待勤渠春
和益襲始娶坡平尹氏節度使詵之女繼得安東權
氏議政府舍人諱昕其考也尹夫人爲子公奉節度
夫人降舍事奉以誠旣又取尹家女庶俾承其祀臧
獲田廬一無濡染李判書景綬卽尹八中表每歎以

爲不可及自先祖判書公世以冰蘗者公積職仕愈
勵潔操及大事至無以斂權夫人天資明烈衆羨咸
具生五子二女男尚揆歿江都叅奉同揆舉遺佚不
仕縣監堂揆佐卽願揆台揆俱世其家夫人與尚揆
妻具氏二女判書李一相及第韓五相妻皆殉節以
旌門公有庶子善揆女適尹斗宗銘曰

於穆東園有寢有廟司馬維祖冢宰維考上相承之
深闡厥猷厥猷伊何克邁克邁靖共在位不邦不竦
羽儀揚庭遂都大政辨遏官邪作刑庶寮民方無祿
徽摧其喬鬱彼西岡三世一麓其下長遠過者必式

東川集 文集卷七 三十一
畫碑揭揭紀德有融疏源導流以啓後蒙

世有二師俱奉乾竺黃面老子無上大道其一靜專

奇岩堂法堅法師碑銘 并序

以寂自照聲聞頓悟因解成果以至超脫是名禪史
其一體認大乘上智以無見見誕登彼岸 古 指性地
以覺覺人是爲釋氏嫡派真宗達摩之後臨濟中闡
其法東漸西山爲盛凡 及 門徒奉諦妙解同躋覺路
大有其人粵若奇岩法堅法師實以法器爲叢林秀
父家扶安金姓億世毋孳晝寐異髡托夢惟慈與忍
稚幼已然始星一周性寬是師二七雲游瞻禮雷默
淹貫內典旁涉子史羣書之圃富吾所有旣乃及顧

東坡集卷之七 三十三
慨焉永歎斯爲世法非出世法維時清虛開堂南嶽
叩榻求證頂門下針獻詩喻義一言契可亦參松雲
叢捭詮品掇史摸骨揀沙獲珠無量世界億萬衆生
精進雄猛一介男子我道旣疑而臻耆臘乃結跏趺
於白蓮社維此白蓮二禪遺蹤尚友千載庶幾三笑
緇流朋集如渴赴河滿腹而歸而河無竭疇其同風
機化祥師欣然相視淡乎相忘古德微言因疑生識
師操利刃斬斷諸妄演爲詩文導叢愚俗教以造業
必本善事如彼長者所有粟米金玉布帛施與丐兒
懽喜過望於已無損又如大海波濤畏懼接以舟筏

得脫斯苦卽心見佛不入諸相不墮惡道不生不死
以證圓覺了一大事七尺之軀眈然甚微學佛成佛
膽大於身甲戌九月雙樹示足萬法皆空吾其行矣
留偈大衆端坐而逝生滅去來幻劫俱盡年八十三
非短非長自涅槃後茶毗淨身乞收舍利而以石鍾
建于榆岫西麓之上一切法事皆其上足道一慈仲
慈逸所管又推慶雲具草行蹟穿街歷市歛余郊扉
索文錢石圖壽厥傳余昧爾道將以何言姑依爾說
作爲偈語兼勒銘辭以報爾勤銘曰
始見奇岩叢詩西山聲前有喝句後無言余贖其意

有無互根及觀論化唱偈一章打破虛空大地一坑
不病者去今古溪聲幻滅不滅不可思議片石刻文
求末後示以幻傳幻孰云非妄河沙泡影萬劫茫茫

逍遙堂太能法師碑銘并序

佛操慧刃斬截一切想與觸不肯三宿桑下何以故
情生於愛愛生於習纏綿呈係至墮於蜂窠螺蚌殼
中業與回累之也是以爲佛者一以捨爲貴然而釋
迦入雪山脩行達摩面壁有六年七年之久亦何嘗
必與其禁也或嘿或言或行或止或宴坐一室或雲
游四方但復點檢六時自己心如墻壁不狗物黏著

而已逍遙堂太能法師南禪也歲秋城其冊夢一婆
賀胚胎大乘人由是知名大乘十三入白坐 山受戒
于性真和尚始行脚域內旣乃結緣南嶽立道場建
法幢大營梵宇其陽爲神興寺其陰則燕谷禪院居
燕谷凡三十四年竟以己丑冬示滅得壽九十者
二歲是豈拘於習與愛以爲情狗物而黏著爾也法
師少博通經論旣而曰欲求法外宗旨當不止此往
參西山大師適有閣利問初祖東來意若何西山舉
拂子一揮爾時法師大懷喜戲偈曰遠廬天地假形
來慚愧多生托累胎玉塵一聲開活眼清宵風冷古

靈臺西山曰此暫時歧路耳祖師云悟了同未悟無
心亦無法宅人不可主張汝自護持於是遍參諸德
仍謁淨依大師休公器異之仍拜扣西山曰和尚前
言麻木無影樹焦盡水中漚愚所未會願端的指迷
西山曰會取不會取法師言下卽悟九拜而退法師
年耆德就爲叢林依仰遠近歸慕者日益衆縉流走
集常有累數千指山門爲闕呵成市法師以正法眼
運慈智幾用舌頭筆下直指不二路脉實衆生津筏
法門梁竈一日示大衆曰盡乾坤是一隻汝門眼盡
乾坤是身已見明祖元明未設時尚無虛空况有山

國土米西丘 湯又久曰孤輪獨照江山靜自笑一
舉天地驚其徒海眼妙湛以下關堂壇傳奉法育者
六十餘人咸曰法師卽臨濟二十六世嫡孫其人云
法師臨化唱偈曰解脫非解脫泥絮豈故鄉吹毫光
燦燦口舌犯鋒銚趺坐寂然而逝用其法茶毗訖明
照敬屹等奉頂骨安于寶蓋山藏神珠二顆石塔旣
又龕治大石造其徒景悅以狀走京師徵余文紀行
蹟傳示未未夫我何知道盡其狀實云銘曰
西竺之教流東瀛自東而南有土傾恒星夜鼓隨雨
零雨零點散光晶大千世界昭厥靈道遙開土法

門槓宴坐南嶽不下虎踞附躡慕誰使令點鐵琢璞
實乃成惠爾皆超視而取臘月曠日超化城彈指萬
劫了死生有大弟子後事管攻珉鏡辭垂千齡藤葛
無絕味者明

浩然堂不洞法師碑銘

并序

自震揚墨盛幾以易天不百年雲消霧釋天下
無以揚墨為言者至溪時佛氏之說始流東土愈久
而愈盛厥有四輩悟入各殊唯臨濟之教為真宗直
派其道又益東流羅麗以後逮乎我鮮開堂升生代
有其人世世所南不浩然法師實叢林之秀法師

貫錦城俗姓張氏法名不洞湖婁縣神人跪獻鞋鞞
圓瑩曰願托身以變果以嘉靖甲子生法師法師生
而不啼幼不茹葷且見者知其為法器十五意不樂
塵濁就天冠山一守禪師祝髮受戒既而聞清虛靜
觀浮休三大師以大乘濟人二十西走妙香山謁清
虛始聞真詮妙諦三十轉入俗離山依靜觀悉繕經
藏最後參浮休於智異山證明滯義時大師年四十
有五疑祛識透藤葛為煩史性既凝萬法俱空障惱
褻除表裏通明豁如也乃歎曰日翻千偈不如六時
攝心舍是心而求諸經是當驢年得佛凡以慈悲化

東坡集卷七
三十一
人必直指不二路脉下針頂門廣度津筏偕登彼岸
咸以爲臨濟嫡嗣云始遊域內名山及登耆臘卓錫
於南嶽之燕谷大闡法席啓葢羣迷大衆走集道場
虛往實歸至辛巳歲創蘭若光陽之白雲山卽道說
國師涅槃之地後十二年壬辰三月手書二偈曰烈
焰亘天時何容思量湊五生水上行木馬火中走八
十人間事猶如一夢漚願親無量壽常樂遂忘憂遂
冥然入寂其大弟子等將淨身依法茶毗灌骨之夕
雲霞四幕八宅旣毀靈顯遂超爾時善男子三五餘
人莫不悲號讚歎遍尋四遠拾得一片其一樹石鍾

松川茅之南麓其一上足惠觀性逸法孫勝諸虔奉
北上詣寶蓋山虛白大師設場二七日精禱舍利果
得一顆神珠歸安於錦城之雙溪浮屠旣事其徒又
將豎碑於浮屠之南俾觀與語請余爲文而系以銘
銘曰

竺教中歧以惑傳惑珠淪濁泥多失詳得盧能之後
臨濟獨宗遙遙路脉自西徂東浩然承之栢樹再榮
慈燈向晦慧日重明三乘殊趣師說相焚卽心見佛
何事經文利刃在手諸妄皆虛見解旣遣妙體真如
千百億身一點常新山河大地白月孤輪留跡南嶽

結夏彌積猛虎跑泉飛鶴避錫開林燕谷建幢龍門
乃闢道場實做祇園縉流攀化朔風追景衆生熙熙
幾人雄猛雙樹示跡三塗永超恒沙萬劫法性長昭
錦城之陽靈山在側貞珉不泐式垂無極

東州先生文集卷之七

東州先生文集卷之八

領敦寧府事西平府院君韓文翼公墓誌

天啓七年秋領敦寧府事西平府院君柳川韓公
既練其嗣胤富平守會一以公不朽事編託于當世
若能文章素與公深者而幽窆之刻實屬我先人先
人既心許之矣業未卒先人無祿卽世富平君移所
以屬先人者命不佞不佞非其人非其人則不佞且
誠推不文曷足以敷揚懿烈垂世罔極顧富平君之
言曰而之銘吾父也以續而父志也不佞則葢葢中
咽矣尚何辭以辭按狀韓清之大姓鼻祖蘭佐王氏

開業位至太師曰康相忠烈王謚文惠生謝奇實文
閣提學生渥右政丞上黨府院君生公義政堂文學
清城君生修右文館大提學謚文敬以道學鳴生尚
敬入我朝官領議政西原府院君生惠咸言道觀察
使生繼禧左贊成謚文靖至高祖諱士武漢城判官
贈左叅贊曾祖諱承元旌善郡守贈左贊成祖諱汝
弼中樞府經歷贈領議政考諱孝胤通經那禮顯名
富世卒鏡城判官贈領議政妣平山申氏禮賓寺正
諱健之女嘉靖丁巳八月生公諱浚謚字益之幼有
異質體 宏遠六歲解綴文苦吟而學業已成見者

嘖嘖稱公輔器也已卯捷生負壯元進士第七名明
年議政公卒致毀踰制喪畢東銓屈公禘 恭陵直
丙戌擢文科卽選藝文檢閱 宣廟御題試儒臣公
詩居首又次 御製以進俱加蕃錫大學士李山海
稱引特盛由注書奉教己丑陞典簿丐外得於川縣
宣廟詢其有母然後乃許除朝議惜其出至論劾銓
官秋 賜湖堂讀書暇十月鄭汝立謀反事發以其
甥用薦入史局逮公下理 宣廟察其冤釋之遞
命復叙翁爲言者所持遂盡室歸原州買田明農爲
終身計壬辰變起遙授禮曹佐卽正卽侍講院司書

江原都事路梗未及達原州敗卽拜公爲牧使叻摩
剔搔闔境賴完乙未始以司憲府持平赴召自是連
除侍講院弼善司諫院正言弘文館校理知製教
文忠柳相國素重公辟爲從事軍國鉅細咸資贊决
唯朝廷亦欲不次用公纔擬副修撰復擬嶺南方伯
古未嘗有也丁酉歷檢詳舍人應教司諫兼叅校輔
德執義典翰秋承宣缺 上破資格擢同副承旨時
賊鋒自逼天將麻提督邀 上渡江督喪重臣調芻
輓甚急 上命公往提衡戎政襄益弘多沿路設接
日夜通警報者爲永制冬以右承旨特進嘉善階觀

奉京畿群不逞旣逐西厓亦自前沮撓今不已竟
章自免拜大司成已亥按嶺南節鄭仁弼彌知公薄
之不與通噓前後憾嗾其黨劾公庚子叙兵曹叅判
同知春秋館事辛丑兼副體察使壬寅全羅監司癸
卯連禮曹叅判國家新去亂疆域踈虞 上朝而問
將首揆漢陰李公薦公職秩雖卑望實雅隆廷臣罕
出其右遂拜四道都元帥從亞卿超序制閭而一時
譚稅苑者亦以歸公由是再爲副提學吏曹叅判世
于賓客乙巳視師南服還特陞戶曹判書翌年 詔
使至館饋供億經調有裕移大司憲同知 經筵尋

觀察平安道戊申遭大夫人憂既除歷大司憲漢城
 判尹出為咸鏡道觀察使至則重建 文和陵碑豎
 石于龍潛舊地教民以敬首先闡風化禮尚年旌異
 行獎進蒙學提誨不倦譯文公小學家禮分布勸講
 北俗不作彬彬實有其文滿三歲不許代至癸丑朴
 應犀獄起誣殺國舅延興公幽永昌大君株連善類
 機宰四殺初 宣廟大漸知光海不克保骨肉手書
 遺教略曰大君幼稚未及長成人心難測願諸公愛
 護保持書封若將付公等七人者實未嘗出也及是
 爾時謂非 先王御筆文致七臣罪瀆節活削公等

仕版又誅死囚鄭洪濫引名公卿朝序盡空公被囚
 將置對或愍公且不測以公與延興繼芥可證勸之
 款實公不肯曰死生有命吾惡夫賣 八斬免爰書上
 放歸田里出園戶即就湖庄伯叅議公已謝事歸休
 對舍相依朝夕怡愉安時委順不以患難置懷兇徒
 慕公名有欲叅尋候問則斂身自避又不以震剽額
 其守爾瞻既顛朝柄愈欲廢 母后追戮延興論竄
 七臣公責忠原縣塞兌扉迹五年不踰閔辛酉移黃
 驪未幾建虜覆遼左羽報踵聞廟堂舉公為督起徒
 中擢五道都元帥公與疾而趨控辭闕下光海曰無

庸大寒索裘晚矣於是龜勉開府于中和知特事已
去惟和節持衆心癸亥春令 上靖內難 中宮殿
下位坤極進公輔國崇祿大夫領敦寧府事西平府
院君亟召還朝前後兼留都都體察使都檢管知春
秋館俱引肺腑熾固讓不拜丁卯奴賊闖入海西
東朝南下公以陪衛大將從仍掌撫軍司寇退奉詣
行在甫還京舊風復作至七月益甚續息已微猶令
遷寢正席以終 上聞計震畫輟三日朝 王世子
出次舉哀臨吊加禮卿士大夫下遠望輿走卒莫不
失聲齋咨曰國將如何自始死此葬官充喪事申使

監護度支致贈儀部致祀太常議易名之典贈謚文
翼公春秋七十有一其歲九月居于原州陰枝村遠
近赴會者三百餘人公質秀氣沈寬而有制淵子其
識度也裕乎其財成也地載而海涵也春噓而物發
也祥麟蹈德而儀鳳覽輝也重厚薦實似韓忠獻而
文雅過之風流遠致如謝文靖而禮法優焉平居造
次未嘗疾言遽色舉止嚴凝若不可干卽之溫溫薰
和益襲福心者喪其伎浮競者斂其躁聞人過惡輒
踰時不樂殷勤善諭不爲刻覈之論是以人亦無怨
事有可怒可愕坦笑順應幾微不外見其被遠在塗

金吾卽承權凶喉氣待之不善公初無恨意終身不
泄其名篤論者謂公陰功濟物而物不知盛德及人
而人自服殆非夸也公孝友篤至奉事大夫人志養
為務始處窮約必有旨漉之供官成之後出入雉藩
顯位叅議公亦緝鉅邑蓋大夫人已躋臺矣雕軒騎
從往來赫寫光華崇貴舉代莫二太夫人每當內集
悉去衆樂唯奏感君恩公為演成績曲約同朝列卿
作壽親與稱觴上壽勝事傾一時 宣廟特賜酒樂
以異其數而公方依依膝下白首而嬰兒慕也與叅
議公居相師友至老不改樂仲氏既早世姊妹多歿

撫恤孤寡咸得其所見人貧乏振施若不及族里取
足猶寄藏焉表上師之間結壇以祀追遠也設宗人
之會以明譜牒悖宗也嘗就先壠構一室甚陋號曰
歸來齋雖世故未夷不敢龍蛇屈伸而丘壑之寄道
筮自遠公聰識絕倫經眼輒不忘國家典章遺文故
事沿革益損歷歷如指掌尤尚禮學被服必於儒為
文章平賅醲渾辭達不苟韻語冲健自適不屑屑於
藻績早以事業致用故文辭多放失嗚呼當 宣廟
在宥得人為盛鴻厓魁顧之士詎不林林哉遭時變
化凋謝略盡公用儒雅行業受人主特達之知風猷

東坡集卷八
六
經濟夙異恒新中羅文罔蹟而復起神扶天佑靈光
巋然履險居亨流坎一軌不佞窈窕公削版矣放逐
矣遷于忠遷于驪顏類充筮不知其阨于處也由謫
籍倏起登壇以至稱尊為國舅三公讓貴百寮絕席
蹈履益安重不為貴勢動持冲挹吳執操愈謙奴婢
不添十指田園不拓一畝門無車馬口扉朝議超軼
乎埃壘之表絕無脂膏黷染自夫謗譏者觀之莫有
測其涯量而泰山北斗之望固不得舍公而它屬若
公者真闢氣化盛衰與世道消長而古所謂長德鉅
人者非耶公諱昌原黃氏追封檜山府夫人禮曹佐

卽贈吏曹叅判諱城其考也相德甚備即家有法朝
夕治脯飽佐公事太夫人太夫人忘貧萬曆甲午卒
于原之衙解距其生辛酉三十四稔自變後又三十
四年始與公公合生二男四女 中宮殿下序第六載
誕聖儲丹司憲府大司憲姜願期女為嬪曰鳳林大
君御聘新豐君張維女曰穉坪大君潛未出閣男長
卽富平君有子生貞以成以平女叅奉申翊隆鄭何
李昭一天無后女長適宗簿寺正李幼淵有女別坐
安獻規次適大司諫呂爾徵次適叅議鄭百昌有子
善興善弼女金震標公置貳室生二女許通李煥珍

原副守世完其婿也內外孫曾若干人俱幼不佞永
惟念公之先比九世爲公爲卿珪組相嬗其後中阨
四代不昌儲休蓄社駿發于公盛業閔烈熾而彌融
光啓我沙麓之祥則百斯男本枝瓜瓞致家邦隆平
無疆之福而韓氏與有慶焉語曰河海之廣非涓流
所發華岱之崇非撮土所積昌大之業非銖寸所基
誠哉言也銘曰

帝省東方克類厥德乃降元和乃錫輔頤嶽瀆網緼
大人龍變有卓韓公時維魁茂禮樂文章聲敵彌廣
魏標準物萬夫攸望 宣廟當陽群才驚世公膺迪

簡動令 宸契經六緯武左右俱宜內思外庸居遠
必懷師壇旣築祿位斯崇駉駉士馬亦是率從由湖
以嶺洎關西北敷政優優迄厥成績百六道消皇極
之頗以善與仇匪人則卹八表俱宜我行不惑在險
孔易勿伸其矍天地重開公子奮興潭潭公府素履
不驚長秋始建國謂公舅休祥濬發厥績愈厚謙亨
終言百福所咸譬彼喬嶷民靡不瞻贊班授几仁者
之榮溫明黃腸歿莫與京公神不亡日麗星經烝烝
孝子窳窳是營鶴原之南漢流無極刻石埋辭斯文
罔蝕 其後丙子遷厝安山

禮曹佐郎權公墓誌銘 並叙

吉川權公有二子而良其季君曰偶字不羈與余同
己丑幼通家相狎吉川公教季君及余交雖一日十
見亦十拜習爲恭蹈履必莊重無踉蹌習爲謹言語
疾徐有度習爲慮至視瞻動止皆中節習成人之爲
則余氣倨志邁不能無出入獨君循循不越提訓已
為佳子弟吉川公奇愛之十五與余同發解遂成進
士二十二釋褐權知承文正字蓋藉藉聲起已擢拜
承政院注書君爲文不甚拘古程法卓尚條達最長
於記注操筆成速繩繩無遺伏流輩鮮及焉該吏能

遇事曲爲方理鉤擿物情卽老胥宿奸無敢欺蔽者
公先進亟稱其器幹歷工刑戶禮四曹卽兼春秋館
記事官年二十七乙卯偶感寒疾自爲死日果竟卒
時吉川公固無恙後十七年乃考終公在見余必泣
箋傷心君世居翼平公舊宅鑿石而砌可登約崇數
尺余與君俱弱戲其下推挽不得上至今每覩而愴
身君安東大姓先世陽村先生諱近翼平公諱寧其
聞也吉川公諱盼配尹氏判書諱國馨之女始吉川
公伯兄駿早夭以君後君娶于府使李慶千生女沈
之涵妻及子政而政又夭則以君兄子進士蹟嗣之

世并絕而紹者悲夫銘曰

人言言祥則莫如壽有子傳業亦曰永久天且絕世
奈何乎公既之不得於天者壽與子惟其得之於人
者無有毀傷其宮

贈吏曹參判山陰縣監金公墓誌銘 并序

漢世賢人如荀朗陵陳太丘名德重海內顧大位未
登古今同惜然而人者豈數數當世哉惟積善與
福受報于後二難八龍錫類固宜以余所聞山陰守
金公其庶幾焉金公豐山人諱大賢字希之曾祖參
判公諱楊震爲大司諫勅射局金禧第宅踰制已爲

禧父安老所側目而于立言公諱義貞用伉直不撓
仍父子被其齟齬遂廢是生掌隸院司議諱農卽公
考也娶安東權氏單資僉正鎰之女嘉靖癸丑生公
長厚有局度喜愠不形未嘗皺眉對人接物寬和削
去畛域世方崇飾傷類以諧俗進取公之爲長者益
甚終始無變其舅居比屋暴悖失恒性意有所拂慢
罵不擇尊卑公周旋至白首橫逆不加前產之際識
者尤以爲難焉故人病癩久劇親戚以其陋疾且喜
薰染避去不省獨公過從飲食如飽日曰平生相慕
用謂何論死生乃欲相絕邪其人聞之感涕戒其子

父事公公仁心爲質篤於倫理而制事換義嚴截明
哲客有語侵賢相者公峻責不假借客大慚伏公幼
受業牛溪之門旣而南歸自庚寅後絕不肯造請曰
成公有重名盛位舉士何敢冒進蓋公嘗有詩曰受
氣從來病太柔每於剛二着工夫手書春帖曰靜時
多動時少醒日多醉日少亦可以寒過矣君子益知
公和而有防克治制節如此云自執徐之亂重以饑
疫道殍溢目州家承 朝命設場賑疫死者猶繼屬
公以布衣白請幹其事躬親造問孰困孰甚時其餉
粥略無倦色即蓬頭鬼形莫不開口待哺賴以全濟

起家爲省峴當官謹敏撫摩得其宜驛以蘇息吏卒
爲堅石追慕及爲山陰勤身利物一如布衣省峴時
而總理益密荒殘稍復乃卽舊基重建亭宮捐貲出
力倡先列邑其地有鏡湖接鸞亭流峙明淨頗愜勝
情公暇輒呼邑子秀民日爲習池遊不以俗累經懷
入而視公案牘蕭然出視官務巨細畢舉居一歲
上用道臣言治蹟優異 特命陞叙 命下公已疾
革作書與親舊訣神色陽陽不亂願謂左人吾方造
大夢矣遂卒歸葬醴泉廣石山村叅判公先文實萬
曆壬寅也嗚呼公處家拘拘任性宰物解黨愛慕稱

引一口無異辭且不敢爲非義旣出而仕持冲體村
不矯厲爲名悃悞自將衆許爲太丘長明陵相其人
而歷官不過四政省覘察訪尚衣直長禮賓主簿山
陰縣監而止得壽屋免稱夭以終殆公之天未定也
公媿令人李氏 恭定大王後脩義副尉績金之女
育九男三女司憲府持平奉祖吏曹參判榮祖義禁
府都事昌祖忌山縣監慶祖承文院副正字延祖弘
文館副應教應祖安山郡守念祖庠生遂祖承政院
評書崇祖其異也直長李義遵士人張友程金起秋
其女婿也公治家諸孤長者甫授室餘皆零丁弱植

其後令人享壽考在堂九男三女咸力斤成立簪笄
盈門又其子姓蕃昌無有倫比每時節上壽廳解不
容諸孫以下序列外庭巷陌俱滿吁其盛矣至己巳
朝廷以公五子後先策名儒科舉令甲 贈公吏曹
參判令人貞夫人其視八龍二難之所爲顯親孰爲
少多蓋至是而公之天定矣貞夫人慈仁淑懿宜婦
宜母後公二十五年卒葬司議公墓後云公與先大
夫暨愚伏鄭公同壬午榜鄭公實祀公墓道而先大
夫已下世矣則埋窆之文乃以屬敏求詎不可以辭
銘曰

培壤不生松栢溝汙不產珠玉不知其原視所世不知其蓄視所設不知其人視其後昆子孫千億來拜
窀穸我銘其幽考德無極

贈吏曹叅判醴泉郡守盧公墓誌銘

年序○庚寅以後

故領議政蘇齋盧先生以道德文章克名世垂後有孫曰道亨字伯嘉自在幼齒惇愷絕矯褻先生詩有孫醇恪克保持者是已年二十六萬曆丙申蔭仕保安察訪例調禮賓直長漢城叅軍出宰知禮縣秩滿爲主簿軍器令平市壬子又出爲醴泉郡守清嚴自將攝其豪俗微逋殺之不幹官者至經十五六年無

敢有斗斛後期言一歲猶民求毫毛過不得則用曉曉語甚之言地歸三年乙卯病卒于京何得壽屋四十有五 朝廷舉原從勞 贈_考人曹參_考始公八代祖尚仁娶于尚州累世葬化年將至是以公葬尚之洛西其後卜人言不利後人越二十三年己卯夫人崔氏臨終顧諸孤必遷洛西墓而以我附遂改窆中牟縣感岳枕戌之原光山之廬有右議政諱嵩定爲開祖歷五代或達或陘以至高祖諱珣豐儲倉身贈左贊成曾祖諱鴻活人署別提 贈領議政是生蘇齋先生諱守慎無子取其弟僉正克慎子大海爲

後卒榮川郡守卽公考也。就廣陵李氏旌善郡。贈廣漢君好約之女。公潘染德。養習於義。教兩而操之。表裏如一。寬和易直。任真以接物。變在曲而不萌於中。平居燕私。口未嘗言人過。失恟恟謹飭而內立。不隨恬穆。有守其要。人臨仕名位。顯隆雖在。賓故素相熟。輒歛跡引避。不肯造其門。於近戚密親亦然。其介如此。薄紛華外產利。貴不為餘業。取具朝脯而已。室不為苟羨。取庇風雨而已。初罷醴泉。歸買席以寢。夫人數曰。醴以產席名。而公一無所携。外人誰知之。石公曰。知之何為。唯當不愧。方寸及盡。室而南。屬女。

奴治仁女。奴私謂其人曰。九宦中郡。雖著潔聲。外約不能無內。揆安有內外俱空如公家者乎。公居官平易。以臨民。不欲爲爛飾。以神術。求稱譽。故當時少赫赫顯功。去後乃久而益思。世常傳慶德侯德與吳廣。州清以執行範俗。擬公平生所自蹈。吳止無愧色已也。夫人崔氏高麗侍中冲之後。考左贊成。混并策勳。封海城君。夫人柔嘉夙懿。愛於父母。始笄歸公。入門而上下交賀。鮪齋相國每見贊成。公必曰。歸賢女。我家敬謝公事。夫子三十年克敬。無違子姓。繁育宜婦。宜毋舅姑。恒言吾後世得婦。每如此。盧氏之福未艾。

也自公歿誓死以從舅姑更勉之不可粒不容啜衣
屏膏溫制陰猶不遂變夫人既操履修整取戎族賞
時於義理至論說事定非聞朝政得失輒形憂喜丙
子之亂仲子峻命扈 駕南漢山城夫人日夜積慮
感頓廢食飲及峻命歸觀其樂可知首問山城事如
未憤泣不能已甚愛子女而不廢教勸必以義方殷
勤警誨成立有聞若享祀盡誠躬自執爨睦於鄉隣
周其困乏遇諸戚以仁待僕使以息凡人所朝夕勉
厲力行而求至者在夫人為常節略也及病革時
明盡不食三日久苦我以生今願塞矣遂卒年七十一

男三人長碩命生自先夫人物次峻命嘗任言官今
為蔚山府使季景命業儒女四人婿引文館應教沈
大孚進士柳德耆縣監李抗士人李弘爽咸有子孫
甚蕃銘曰

盧始光山有蔚斯騫由卑而鉅二相重尊如鳥之飛
翕翼以陵孝孫受之畜德斂躬位輟郡級胡待于人
壽斬服政乃嗇乎天惟其力田既播旣耘其後必復
請質斯文

承政院左副承旨李公墓誌銘 并序

惟先王卽祚之越明年甲子京山李公彥英以同

副承旨徵與余會旅軒張公于書齋抵掌論世事且
笑且談間以調諧娓娓數千言不休余始懼焚易聽
徐究之率不違於理公蓋穎脫才俊人也其後序陞
至左副竟以言不合於時投三章以去故事兩司官
詣臺廳啓事承旨為主相向伏抑首讀彈文已承旨
乃捧入以啓時臺論引春秋叔段事公遽起坐誦胡
氏傳不錯一字曰夫子本意專不類是臺官愕然三
省吏蹙足立失色喧傳一日遍都下幾碎人齒齟公
不恤也始公之再為正言當光海甲寅李爾瞻旣林
死囚橫大獄尸國舅市肆殺永昌大君將以及 卅

后朝野慄慄咸懼小屬於劉弼善鄭蘊抗疏極諫則
輒指爲黨逆儼律至大何惟公銳意力揀大司諫金
緞昨謂掌令裴大維曰正言公鄉人未諳胡議君宜
曉之大維附耳語如金緞指公正色曰平生讀古人
書乃有是言死生亦大各任其志耳卽挺身冒建霹
駭言蘊不可厚非遂得罪奪官坐錮十年及 先王
靖內難起拜直講司藝內資寺正司憲府掌令以軍
資監正扈 駕至公州旣還論扞衛勞普加賞資公
獨耻羈縻要利不肯自陳最後用慈臣言得陞通政
階逮丁卯胡變隨 東朝南下虜劫盟於我邦事靡

史公倡言欲去弊須去私欲去賊須去怯欲去耻須去和三不去大事去聞者又騰謗譁然而有識以爲名言時朝廷任旅軒張公號召使以繫鎮人心後公自南中還朝士有近問張公可任擊賊否公笑曰豈聞鳳凰搏擊雉兎邪其人遽謝失問歷典密陽清州善山三邑曰爲政之道在盡吾心不肯枉己循物輒輕其去就乙亥冬赴 仁烈王后喪歸而寢疾至己卯轉處書示子弟曰世受國恩仕宦爲上大夫分已極矣五十無一子晚得四男福已厚矣平生無大犯負得年七十有二死亦何憾且曰不早瞑目遭此

主辱誠不如死之久矣遂卒公守者顯星山人遠祖念言翊麓祖爲碧珍將軍傳十六世通仕卽惟康生進士麟孫是生學生運是生諱鄧林文科工曹仁卽寔爲公考妣令人慶川崔氏公樂易懇實少以孝聞資警詣能彊記執業夙就由辛卯生貢擢癸卯明經第一名例拜典籍遷工刑兵三曹佐卽戶禮二曹正卽外除慶尚江原兩道都事兼春秋館記注官司僕僉正終以正言辭職中躡自始立朝十年履歷如此初娶京簿寺正郭趕女生女適朴宗曾繼娶軍資監主簿權思性女生男斗鎮遠鎮文鎮穎鎮文適李元

楨許坡俱有子姓葬在若木縣斗齋山負庚之原從
先兆也銘曰

平世常趨淑邪混分濁河潭潭濟乃別源大夫始起
逢時板板用直賈罪君子所歎不有 聖哲孰伸其
慶辨經驚人以譏自見優遊州敘適我農圃既順既
寧受福伊五若木西岡寔惟朝陽藏深土爰于孫其
昌

抱川縣監金公墓誌銘 并序

君子既絜行修飾有立矣不幸阨於下僚死而子孫
弱無以表見當世其終泯然已矣其所與交果賢達

名八其子孫果純明業其家亦言其人有德若抱川
縣監金公始沒其孤史平君甫十一歲屬兵荒事遽
言與行卒閭習不傳史平君以爲至痛焉公與栗谷
文成公西厓文忠公梧里文忠公俱同年契厚蓋梧
里相旣大耋猶眷眷不置史平君歷臺閣號長德子
姓且蕃是足以概見公平生與羸遺云公祖上洛公
方慶遠士衡及碩仍父子入相傳富平守諱誠童護
軍諱瀟是生刑曹叅議諱彥沉寔爲公考媿全義李
氏以嘉靖戊戌生公諱瑾字叔溫少立志力學與弟
判書公瓚相師友每舉必居上列至庭對危得之竟

失不第久乃拜金吾郎考蒲爲直長尚方旣罷復拜
金吾掌樂直長內贈主簿出爲抱川縣莅官清平邑
無疵瘼至壬辰海寇躡畿輔民咸雉免逃縣境無一
跡公山藏谷竄不肯出封畧一步吏胥亦隨公防衛
死不肯相舍及朝廷替用武吏公問走江都官僅至
舟天始涕泣乃退倉卒能得人如此體察使辟公爲
屬委以賑饑民時流饑顛連瘴氣相染汚觸死盈壑
公手操糜粥造菴廬不懈遂遘疾以甲午四月卒洪
州逆旅方兵鋒梗路思無以襄事土人奉棺材以殮
指善地以葬後史平君旣壯始克移屍從參議公之

瑞實龍仁光教山夫人李氏樹公先後妻之民
一文適姜企金氏二子長孝是卽史平君生四男曰
鏞曰鏞餘幼二女適金坤粹李慶通文忠建生二男
曰鐸曰鋼三女未行嗚呼天道至難知也赫赫以英
涓涓以長若存若亡其後乃昌孰謂藐爾遺孤能立
身成宗治墓道埋銘辭追孝於五六十年之後以爲
千萬世不朽計可謂能子矣銘曰

木惟分柯榮悴異時一氣同體迭盛更衰允矣金公
天倫競爽李奮其庸公蹟以喪蓄德不驩受報若戾
季胤中熄公顯厥世孝子恪慶朝組郡紱夙夜承事

窳窳罔饋彼農力田有種必穰為善或忘履此幽石

韓副率妻權氏墓誌銘 并序

吾姊氏亡四女俱幼未行既長有嫁為 東宮副率
韓後琦妻者其第三也韓氏家器窳屋屋鼎俎新婦
既持家能伸縮制節轉約以為豐其姑不知其為政
也家大小具修治堂室靜飭立廟丁以受祖先其夫
不知其費出也奴僕受成筮經紀田疇其女使受專
婉謹無違指自庭內外以至宗族隣黨終始無一言
其蒞相如此也舉三子二女其婿吳蟻其子澆澆澆
也痛念女及葬而歿政哀以消命生丙午元辛卯三

年四十六也權氏身安吏判音諱盼正字諱儼為前
與考而吾先人父簡公諱晔光其外祖也昔以祖履
代太師蘭其考參奉諱哲也卒之歲十月從季韓氏
之飛高陽龍代原其穴坐亥也幼而憐其長而嘉
其有家有子友死乃撫屍而哭為文而納諸墳者其
舅東州李敏求也銘曰

有夫與子親戚咸具憐莫念顧哭泣傷心以死不悟
何厚於友韓氏之域既封既固尚寧毋懼

權帥傳墓誌銘 并序

權君蹟字聖由鼻祖幸受氏麓初至我朝文忠公遠

三平公學休顯有各位自製平大傳判書公諱盼號
名臣實生承文正字謹微君其第二子吾先考文公
公諱驛光為外祖出繼其季父佐即個幼喪怙恃鞠
于吾家從余學二十舉進士譽問夙彰發朝在朝夕
既不合當世廢不應舉拜大君師傅亦不就專用力
藏脩獨行以求志歲壬辰九月感疾以歿得年四十
有二一子欲如九齡君兄瑞興府使躋與君文婿鄭
宗賢姓昌朝葬君仁川先塋艮坐之麓君清明特達
宗憲厥謂君當樹立世其家未出而處亦足為流芳
君一不得售銷五稔既又奪其年得之天與人

者終泯然已乎神奇也臭腐也幸歸之塋壤而願欲
貴報於子然三尺孤其亦戚矣始余少時哭正字公
中歲哭判書公今而哭君老矣猶未死前從誌三世
墓人代之感又何如也銘曰
曷為來君為往住何短逝何長曠其宇深其藏尚有
後世永享

知中樞府事睦公墓誌銘

并序

惟睦氏籍泗川起麗代逮我鮮代襲簪紳玄軒先生
諱世稱以隱德見重士林寔生吏曹叅判 贈領議
政諱詹繼室以東萊鄭氏舉三男俱策儒科歷玉堂

銀臺熠耀朝序而子姓繁昌琳琅競秀於是睦氏遂
為大家資憲大夫知中樞府事諱叙欽字舜卿於鄭
夫人為長房生隆慶壬申幼性剛介潔脩長而益莊
事親孝養送無違奉伯氏菴事公猶嚴父既歿待孤
寡盡倫與二弟居比屋晨起必問對怡愉竟夕白首
如一日兄子樂善清節士甚相敬愛遇事必與咨訪
或詢公不肯嫻飾則輒曰吾以拙自修始筮仕轉戶
刑二曾即知楊口縣萬曆庚戌中謁聖文科為佐即
兵曹知製 教陞其曹正即念太夫人老為養乞平
山縣既而邑憂即自免歸自丙辰後屢經兵刑曹諸

使幕佐至辛酉拜弘文館修撰校理屬李爾瞻顯朝
館閣多私人公偏側羣臣問意不樂榮進每除必
力辭奸黨以計牢籠士類唯以騰仕浮躁者或至染
跡唯公介立不撓鄭休翁弘翼時竄南荒聞公之為
喜而不寐癸亥春以守禦從事使湖西歸而 仁考
靖內難擢公為 御史宣 德意關北遷直講司藝
軍資監正甲子扈 駕公州還拜廣州牧未幾移南
陽陞通政階連除泰安舒川二郡為政主剛簡便民
不肯屈已徇物故未嘗久於職然既去而父老必懷
思立碑頌德辛未冬拜同副承旨其後四入銀臺序

陞至左間亦爲參議刑兵丙子之亂 上猝起幸江
都而兵鋒已及西郊 上自崇禮門轉向南漢公疾
馳赴難仍從 駕入山城城受圍閱月危機交急公
日夜涕泣請斬逗撓諸將事之加嘉善二人夫左丞旨
由同知中樞出知襄陽府治一如舊政翌年瀋陽噴
薦女非色選乃坐罷至辛巳始用諫臣言特叙開城
留守開城故都也舊例器用厨供華侈甚設俗多大
賈喜行金通官衙爲關節公悉滌其故絜手以臨之
及歸行橐枲焚無所齋道以歎息善竹橋卽鄭圃隱
殉節地捐夷碑壞此度不敬公躬督修治豎石以記

其地忠臣孝子烈女旋間凡二十餘所率頽什荒廢
公一起新之日詣學宮書院會諸生講論士咸奮厲
興業深疾朋黨病國嘗抗疏言非是國不亡 御批
曰疏辭恰似時態可謂善形容也時北使織路陰陽
上下生殺在喜怒官吏必盛供億以要歡至與舌人
杯酒接殷勤公不以襄陽事爲意禮待殊落落因是
免歸俄叙漢城右尹兼副揔管知義禁府主銓者謂
公終始無瑕實一時完人首擬公諫長笑公見時
事壞敗絕意進取丙戌拜禮曹叅判逆拜同知中樞
庚寅春今 上徇宰臣言舉優老之典進公資憲大

夫知中樞府事壬辰三月考終 上為輟朝吊祭視
例用子兼善原從勞 贈公崇政大夫議政府左贊
成葬揚州治南海寺村其原實向午貞敬夫人權氏
附夫人 贈兵曹判書倬之女自歸公執婦道無違
先公十八年壽六十二卒育五男縣監處善善縣監嗜
善持平兼善進士志善翰林來善二女適判官黃道
亨學生權跋處善生郡守林奇嗜善生林馨生貞林
華林賢林挺兼善生林英進士林儒林重志善來善
子女俱幼黃道亨生男曰錫曰鐵權跋子女亦幼嗟
夫人忠實其言浮頽飾而行偽世滔滔皆是唯公落

穆簡靖無矜氣無夸言徐質其素履潔其體正一誠
無矯戾閉關去美不求人知己休翁鄭公不可一世
士獨推分心許遺命以一女歸公子志善公亦贈其
家息義曲備立朝四十年一敝廬未免穿漏平生不
着毛裘不御鮮華嘗於內集見婦人服紋羅驚駭切
責子孫遂以為法蓋公雅性焚也不數數形勢之途
不交于貴勢公退蕭然靜散書柳玼訓子說辟上每
舉而戒諸子公有女弟夫婦死於兵公設殮具招魂
以葬以季氏承旨公麴藥傷生對酒輒流涕啟敬及
仲氏叅判公亡公宦松都哭不及尸終身沉痛其篤

於友悌如此公居僻遠簡交遊門巷罕車馬唯時節
宴會子姓盈庭奉觴上壽間里相稱願知福慶所自
云不佞少公十七年常愧公過許不佞文向已丑歲
公已寢疾危惛一日忽肩輿到門相視不交一言脉
脉而已不佞悲思至今於泉隧之文詎不敢辭銘曰
泗濱之睦世載其聞玄軒肥遁議政顯允侃侃維公
是承是似德不近名內專厥美辭約而當不詭不隨
羣趨競鶩我靖其思二季奮庸羽儀金玉公方晚起
並駕齊躅商年最爵公實過之惟天概人受報伊何
子孫衆多彌遠彌蕃埋詞質幽卜爾後昆

引文館校理吳公墓誌銘

並序

晚翠吳公 宣廟朝名臣於吾先子爲道義交晚翠
公有三子俱材入玉堂擅英譽其季校理公諱字敬
甫長余一歲同癸卯歲解已酉進士契至厚不幸命
促得壽厘四十七卒後二十年始克誌其墓寧不悲
哉校理公資勁正中剛不撓目光嚴冷與人交落穆
簡言語終日靜嘿雖麤猛齧夫對之咸洒然易容自
知讀書痛刻厲攻苦蘄合乎作者軌度晚得力於莊
馬所述作一以矯健爲主楷法特精如端人雅士臨
書運腕不運掌人莫能掣也游太學儕流不敢褻焉

屬光海政昏晚翠公中權壬毒螫命江郊者凡六
年戊午卒公之專意娛侍嚴舉子業亦六年逮癸亥
反正用材譖補禁府都事永庫別提不就職甲子擢
明經第選槐院拜堂后及薦翰林以偕婿大學士金
瑩嫌不果拜移春坊說書司書丁卯遭內喪服除拜
弘文館副修撰自是六年修撰校理者六兵曹佐郎
正郎者三一爲司諫院正言獻納再爲司憲府持平
此其履歷也公少善病癸酉冬有海西御史之命
自力按行採民瘼別蠲墨錙不失而病乃增劇至
翌年十月益甚殆屬續矣顧語子弟曰吾欲事親無

虛偽之名事君用純正之道而不能焉索筆自爲銘
曰欲孝而不能盡其孝欲忠而不能盡其忠着力在
靜不在於用作之時人欲知我闔觀於斯遂卒君子
於是知公平日克治不亂於大終如此初拜正言首
論 玉子庄田免稅不可曰蒙養以正猶懼不能况
可養以不正所急非土田也 御批有不平語賴鄭
公經世言其論事得體宜示優容 上意解時朝廷
論崇極 章陵非禮 上未有以奪也一日公在經
筵迨平李公有所激乃曰以臣任銓衡當盡逐異議
者卽成大禮居無何李公果得判吏曹而公適拜持

平卽舉劾其按 尊親規秉銓之狀 上屢下嚴旨
人皆爲公懼公曰旣爲人主耳目烏可阿意道諛欺
心以負國由是得罪非所懼也爭之愈力迺平公亦
賞其孤直爲言於 上曰彼雖劾臣朝廷不可無此
人前後諫追崇得罪流竄補外者相屬 上諒公忠
鯁竟不罪也每進講反覆開釋引喻明晰不專藉箋
註愚伏鄭公亟歎以爲講官第一旣退屏絕交游微
逐唯探求經旨密微湛潛浸灌以終其身梧里相嘗
曰老夫受知於君父深矣如吳君盡言吾未能也戒
家人吾墓道之刻必求吳君筆不得則猶無刻也以

相國務實不求名猶眷眷若是必有取爾也公天植
介立獨行自守有高世之行資其孝於親移以事君
蓋公於父母盡其深愛未嘗肯暫離膝下及喪柴立
踰制不茹菜果晨昏省墓哭泣如始喪者終三年方
太夫人病瘳寒月思西瓜 東宮察公哀遑竭履

特賜之事季父叅判公如事晚翠公迎寡姑其家禮
養備至姊韓右相夫人病公力疾躬湯劑不解帶就
寢涉兩月如一日君子以爲難吳氏出同福縣高麗
中尹大陸爲聞祖入我朝有叅議天經退居白川半
月岡子孫世葬其下曾祖諱克權 贈吏曹叅判祖

諱世賢 贈領議政是生晚翠公諱德齡位右叅贊
魏南陽洪氏左叅贊貞孝公壘之女公無子一女適
持平沈梈以從子吏曹佐卽挺緯繼其後挺緯錄原
從勲 贈公承政院都承旨夫人晉州柳氏考晉原
府院君諱根柔嘉淑哲有女上行辨別古今事是非
剝歲當理朝夕治脂澆佐君子事太夫人一於誠敬
旣稱未亡人致哀毀顏食飲變節以減身下從爲至
願其一女旣先歿其女又有一女爲申弼華妻素鍾
愛甚前卒之夕侍者曰夫人病革矣如申氏婦何夫
人曰嗟乎是吾天之所發吾久苦不死今得死何恨類

沃易服待終不亂如平常夫人與公同穴二後公二
十年卒公先窆坐月岡及夫人喪卜藏揚州峨嵋山
龜止岡將以明年 夫啓半月塌就合於龜止新塋
銘曰

靈芝擢秀豈曰無根有斐君子載襲烈聞旣博旣約
毋汙其潔過辨官邪毋墮其節謂天可必在公何負
脩途短局而闕厥後彼洎胡脩壽祿且蕃惟有令名
庶幾不謖峨嵋之麓龜食其光孝子承事永世克紹

伯子元揆墓誌銘

并序

伯子元揆字君叙姓李氏曾祖諱希儉兵曹判書祖

諱粹光吏曹判書生三十死于江都之變葬橫城大
宗浦五臺山壬坐原後十二年以其妻吳氏判書竣
女附其父敏求思百代之後穿葭不虞私計埋文泉
壤祈憐於所不知何人思未就輒摧抑中廢及其旣
老重思銜恨沒地始乃沫涕而強為之辭曰勿而無
兒童之慮長而無矯偽之行東陽申公常曰走純明
粹美當求之古人而世無知者然而終不免六極必
脩其家業學為文無不如人而命隻未成一名以沒
性慈和至重悉亦不欲傷是宜受報以蕃而無子以
其弟子文魯後之其生死始終舉皆不得於天與人

惟其更千萬年毋有毀傷其所藏庶慰我悲銘曰
有幽其坎其寢孔寧我獨胡憚而苦久生

叔子進士重揆墓誌銘

并序

叔子重揆字君綬姓李氏兵曹判書諱希儉吏曹判
書諱粹光惟曾與祖厥准顯哉及余敏求三世為卿
生有奇表顧眄曄如自髫鬣已嚴重寡言先君嘗曰
是兒類中朝偉器不似偏邦人物稍長有儁才識度
絕人文藝夙就十六作上漢槎賦藁子樓詩一日喧
傳都下張谿谷鄭玄谷過許以為漢唐以後無此文
字其年發解高壽明年庚午登進士兼善楷法儕流

莫與校文廟釋菜以儒生奉香必舉宿儒才望者為之二十一游太學選為奉香為士林所推重如此二十四丁丑入江都選賊奮罵不屈以死嗟乎壤材間氣生若有為而卒罹於凶禍良由其父不孝不忠獲戾于天若人以致酷烈是何辜哉歟全昌君柳廷亮女生二子玄賞玄奘天或有意於是也歟葬橫城大宗浦五瑟山向丙之原吾老且病拭棺待期計朝夕從汝忍以一語誌汝壙此何理也銘曰

生為父子二十四年曷不其延死同朽壤當千萬代庶幾不昧

劉史揆墓表

劉史揆既葬揚州佛光里其子悌俊堅石墓前謀以示後世者史揆初名世長年十三始從氏約為父子故改名視諸子幼眉日粹美穎脫通解有士行義當為不以死生得失易操見有非違雖貴勢亦不買正視隨我出入燥濕未嘗整舍丁丑之難余家覆竄西塞史揆父亦死藁葬訖為我竭蹶奔走不避水火涕泣遑遑哀動路人既致兩孫完聚辭其母與妻留關西經紀我家往來省我甲申春病歿于箕城良由我天命不佑喪其手足至今念之傷心嘗從我學僅識

文字非有能素講節行而所樹立準準如其平日
所得於我者無有絲毫濡益徒以義根於心臨患難
不隕厥守蓋其賦於天者矣也商鑄折錄孰知義趨
橫流獨立不爲利驅使其出土大夫之族遠肯爲乾
沒區區我銘其丘將以砥末俗之昏逾

舅氏尚衣院正金公配淑人鄭氏墓誌銘并序

舅氏金沙公翫麟有奇節博六而無所成名敏求嘗
從容言舅氏之年長矣無肯少留意進取則奚以開
後時公在酒所顧而曰豈不足慰汝誌墓耶敏求敬
謝不敏其後舅氏用儒科起歷州府赫赫有聲然亦

公之細也公沒二紀矣求老白首始以不腆之文奉
效微言能不悲哉公諱燮字正卿少受業荷谷許筠
年十八己丑舉進士既而遇亂奉二親避兵北路越
三年甲午都事公棄世沈宜人自誓必殉鹿跡溢糜
哭擗無算十五年如一日舅氏左右扶護不稅帶而
養亦十五年如一日既遭喪自飯歛以往飾棺及壤
治塋域立墓田一誠不懈用是故偃蹇場屋戊午始
釋褐隸成均館兼任廣興奉事倉官例責日供倉吏
吏倚以爲乾沒時操長短公一革其謬壬戌赴韓元
帥文翼公幕辟至則江水合偵報虜將大搶龍灣且

言其日一軍咸氣懾公請自往視師旣行元帥牒令毋輕進公直前不顧列城已發縣門矣守陴者呼曰從事公文吏猶乘危冒難介冑者死職耳公留五日益雍容曰我若亟出土心搖矣元帥公稱其雅量聞于朝癸亥初政祭酒鄭公曄舉公掌學務公曰是無非事者隨方盡規畫悉治齋舍頽缺重建明倫堂東夾正錄廳噲然一新陞拜兵曹卽及逆道犯京扈慈殿渡漢乘輿馬不服膝公脫所騎以更駕乙丑歷直講司藝司饗院正除原州牧使痛剗刮疵瘼若瘰在躬繕廨宇興學校百爲具舉事聞 賜帛居一歲

忤方伯罷歸州人告闕乞留不報丁卯胡變文翼公陪 春宮南下又以公從事叙司饗軍資監正明年守淳昌郡其施措方略視原益密適歲惡捐廩以哺餓賦種以勸稼郡以大治龔水衡何人哉秋以方伯親憮解任前後臨二邑俱未浹歲其人輒勒石以寓遺愛逮公喪淳昌民合土物以賻小民之有事至京皆來哭甚悲是豈有約束期會也已巳由尚衣院正知鐵原府治如其故操至壬申疾久不損道臣舉狀請罷 上惜其治不許癸酉春乃免竟以七月七日卒葬永平鍾賢山東麓負丁之原都事公墓直其西

惟金氏出新羅敬順王其後上洛公方慶暢若齋九
容爲開祖入我朝直提學孟獻僉正自讓爲六代五
代高祖諱禮生清道郡守曾祖諱胤宗慶尚兵使祖
諱震紀活人署別提考諱大涉義禁府都事妣青松
沈氏青城伯德符之後觀察使諱銓其考也公體貌
魁頽氣度瓌瑋不肯隨俗齷齪不肯置畦畛以接物
遇事當爲不肯依阿顧望初許氏姊死瘞骨其地一
女纔四歲公躬走數千里迎葬其夫宗撫其女長成
有家緩急喜施予不勸曰不有以狗馬聲色破其先
業者邪南原敗捻兵揚元軍燔瘡痍載路公爲設粥

贈城道左瘞兵咸集于岸必有客送有宿客曰飲爲
樂游聞者以爲歸就泥一縣下泥啼川結土爲近先
寵依依不忍去在窮省言者劾即官謫本匪人主薦
者煇灼不首實公笑曰我亦與聞寧以我處之遂坐
罷人服其長厚原州時小吏犯法執罪其父怒曰有
官如此汝欺神明罪一也爲惡受刑毀我道體罪二
也人將謂其吏之子獲罪於官今我愧見解體罪三
也會隣里杖其子世以方吳祐云嗚呼舅氏早遊士
林尉有令譽律已以名節自勵臨政以善教率物治
身治人施罔不宜矣而遭逢契濶自不一試世方夫

性命憂富貴脂膏以取容而公跡不涉形勢之門名
不結權要之口退矣自靖陸沈以沒世執執其咎既
東萊鄭氏右議政諱彥信之女莊懿靜專罕言語簡
起居不踰閫不闕戶自未行時已焚黨親邀請必以
事爲解至年六猶筭議政公朝衫蔽夜則篝火手製
新衣旣成而天未明議政公歎其敏妙擇對歸公移
所以事父母者事舅姑舅姑宜其養敏求兄弟與夫
人諸姪口在前媿侍未嘗見一日不執文紅竟晷出
外則賓客肅坐脯脯酒醪未嘗見一日不在尊俎三
議政公性喜文居恒設饋以夫人尸之改習於敬也

晨起理家政婢僕俯首聽役者使在力足繼有制始
公世偏素產不中高貨而家道立鄉黨稱豪者之夫
人蒞榻故也伯兄都憲公以騰官家每遇議政公忌
辰具祭品以薦曰豈可令予親安僕妾之享也女弟
居貧使朝夕取資猶寄瘞其子女及庶弟之女皆自
養嘗嫁在夫人爲疏節年六十四辛未六月卒柩公
葬京一子生貞昂之嗣之亦生一子與五女適縣監
吳挺柱士人宋之獻李成翼徐文道洪億壽曰
僕公而子遇優優乎黑頭廟廟使公而晚合壺壺子
言爰典刑早滯公車晚困簿書得之不偶非人也云

也失之所在非我也時也惟其責報而收贏閭胡祝似德之蒼昌

貞徽翁主墓誌銘

貞徽翁主 宣廟第六女母仁嬪金氏以萬曆癸巳生海州 行宮異質評行風閑文以兼該書史 上特加意愛十二擇對下降全昌君柳公廷亮翌年出閣即授家政所施為動合儀度竭誠事舅姑內外宗黨安其仁全昌公即首揆全陽公嬪孫芬華門戶榮貴復一世壬戌申 穆陵鼎成時李爾瞻用奸惡廢錮久街叔次子東暮夜起巷間 上父子而全陽公

觸其機鋒而極存沒迨壬子而益烈家無遺類翁主隨全昌公謫所古阜日用空置稅箬珥以資菽水躬蒞割飪嘗危屢居八年公移機張主始還京僑寓閭里於長督叅判君生閱月而禍作全陽公北遷抱置膝上顧謂主跨下一塊肉唯此而已深藏保育庶延血屬主哭而受教及是勸令就學以至樹立癸亥仁祖戡內亂爾瞻誅主從姑夫人臨視肆屍全陽夫人與姑夫人俱老在堂一恃主奉養衣無有薄厚食無失鹹淡裝綿絮羹必親調適蒸嘗時節牢姐絮豐祖考歆格神降祉福維一妹居貧朝夕取資猶寄藏

也全昌公喜施與九族咸賴亦惟主承意善推笑也
晨起執女紅竟晷不舍曰勤者乃人無價之寶坐而
游手安能享用患血疾沈沈竟以癸巳閏七月十四
日終實回歲 三宮震慟贈輟朝中官監護禮葬
楊州道峯山抱癸之原二男長洽卽參判君次滄郡
守二女長適進士李重揆次適學諭鄭華齊參判六
男以泰以謙以升以井以復以節五女四適姜萬頤
朴純沈耕鄭來祥其一幼郡守二男以震以鼎二女
一適鄭洙閔一幼進士二男玄賞玄奘學諭三男度
之度卽一幼三女適金文遠趙願壽韓宗運銘曰

王姬慶貴怙寵則凶貞徽之懿宅心能降及罹家難
外播終申旣孝旣順福履攸臻豐隆優行子孫多有
三宮稱尊曰維世母脩壘魏莢先歸待合百世在衣
洪休永襲

翊衛司副率韓君墓誌銘

世子翊衛司副率韓君夜琦字稚圭清州之韓有諱
蘭翊麗祖位太師厥後赫世載燬入我朝有諱尚敬
策開國勳官領議政爵西原府院君五傳至諱亨允
刑曹判書實爲君高祖曰生負諱維忠義衛諱希誠
參奉諱哲卽君二世祖考妣全州李氏 贈禮曹判

書行護軍景麟之女君以庚辰歲授靖陵叅奉遷
濟用奉事叙副率內資奉事典設別檢禁府都事司
導直長典獄叅奉爲十八年履歷也君居家無違行
當官舉其職人多惜君置散故屢躋屢起而不悅者
操切脩郤旋得旋失國制以蔭入官者計資積任轉
六品筭後乃踐卽吏出宰縣邑君前後歷任危得之
臨其摯而落拓竟以癸卯六月年五十八終徵班下
位亦限其所至歟葬高陽龍伏原其丘坐亥婦安東
權氏祔三男府使澆生一女適元尚古澆生二子澆
生二子俱幼銘曰

宦不成業人也非天壽纔免夭其身胡備德銘其幽
庶永于傳

觀察使吳公墓誌銘

世德之家中必有厚其蓄約其施以終後祿猶操左
契取報必償惟觀察使吳公寬樂冲和可大其受見
稱爲廟庶器獨年與位歎於德譚者以爲恨雖筭公
旣沒于姓益昌顯榮貴復一時君子又以知天道焉
公諱端字汝擴其先有大陸始居同福琢石爲四十
八燈夜必禮天吳世始著至叅議天經始老于白川
子孫仍葬坐月岡於公爲八代又五傳直長諱克權

爲曾祖是生祖直長 贈領議政諱世賢是生考史
曾參判 贈右議政諱百齡娶濟州高氏萬曆壬辰
生公幼介介循節長則疑遠有局度持身純備自勉
爲長者議政公旣以篤行聞與伯氏參贊公當朝競
奕公兄弟暨從兄三君前後策名俱登玉堂至福德
所鍾咸以屬公己未舉生進試甲子廕仕直長其冬
仁祖視學公擢內科拜典籍歷諸曹位卽兵戶曹正
郢人從班爲正言持正者凡司書者四十拜修撰校
理三拜掌令其最秋漫局可略也已巳由善善爲開
城經歷完簡不可吏民便之居期歲政成以校理

微遺愛餘思實饒在石始恭贊公留守陪京有惠政
至是而穹碑並列行路必式率未丁繼妣梁夫人喪
議政公時年文待養而安公所以奉晨昏承饋奠兩
盡情禮甫闋服議政公棄諸孤廣弱致毀哀容動人
遂成末疾之源甲戌麟坪大君聘公文爲夫人公守
制不敢具賓主戎家人寒素締昏天家匪榮伊懼務
約損從禮服除受賜旣身內帛樞僕滋甚屢拜太僕
正掌令校理兼奉坊文學輒引身歛退不欲處清要
上疏言 聖躬調護及設鎮禦侮之宜報聞丙子春
仁烈王后山陵成用殯設都監勞進階通政同副承

旨出尹全州其冬 上遊兵南漢虜勢日張道臣提
兵北上季公督務南土舊多豪猾乘變易動羣聚焚
黠全府幾及於亂公隨機撫輯訖得寧謐有一吏承
公付囑臨事忽違教條乃曰老詩負賢尹胡顏敢兒
自縊死戊寅夏觀察湖西老少攀挽不可得則爲立
碑城內旣而爲人所持輟不赴移按海西北使踰路
人畜斃交踰公優生恤死積日夜憂勞而舊疾作三
上本乞解乃得解還朝荐更承宣禮曹參議皆謁告
免一日感微恙轉劇不許迎醫曰得短命也屏婦人
遂卒卽庚辰五月 內賜衣被黃腸以歛葬高陽蕭

月兩 贈議政府右議政公以弘曠之度博人之資
宰物濟衆綽有其具而惟豐其歛惟嗇其用遭逢而
未極其途歷試而未究其材嗚呼行遠者不竭其足
居貨者不罄其藏予奪贏縮流盈益謙天之司巧于
人吁亦甚矣媿青松沈氏考吏曹判書諱諮生五男
四女男挺一大司憲挺垣承旨挺緯參議並文科挺
璧大挺昌進士女適都事李象鼎次卽大君夫人次
進士李粹蕃柳次泰大司憲七男二女男始泰始益
始謙俱進士始鼎大始震始恒始萬業儒女適士人
鄭宗祥進士姜頤臣承旨四男四女始壽持平始大

策儒女適進士閔弘道都事四男允協允迪大君五
 男三文福寧君栴福昌君楨其餘中外幼穉錫類甚
 盛皆穎秀稱其家蓋公既積既餘其美必鉅謂天道
 無知亦已誣矣銘曰

赤壁南歸白川西滙或羨或遷慶鍾斯會公承世昨
 益昌其門夷塗遠駕何往不蹇巡方杖節莫訖其庸
 堆其內積視家則豐受以百福子孫盈室 王孫之
 貴謂公自出河洪岱萃有源有基大人提躬於永厥
 垂非冲胡守非約胡裕胎茲來裔或遵矩武

弘文館直提學洪公墓誌銘 並序

我國家倣唐典置弘文館以待備臣僚顧問唯直提
 學為極望高其選不輕授人故常虛其位不必備員
 宣廟中年有直提學洪公諱宗祿字延吉以文行致
 顯名自其考貞孝公諱曇用誠孝直節卒官議政府
 左叅贊公如奮家學刻厲成業舉丁卯進士壬申文
 科由承文正字薦注書翰林至庚辰轉六品為監察
 自是荐經諸曹佐即正即正言修撰持平校理獻納
 檢詳舍人執義司諫應教三更諸司正凡九年戊子
 再授直提學己丑全州人鄭汝立謀叛誅先是公嘗
 為同寮其後衣繡按湖南路過其門一與相見治獄

吏組織以陷入公神氣不懾置對明晰 宣廟數曰
焉有是父之子而爲非者乎然猶爲言者所操切責
配龜城公旣忠孝承家束脩立朝治身峻整斬斬無
瑕玷橫羅汚讎戴盆莫白人爲之短氣壬辰兵起首
叙公司養院正時八路 大瀾獨薩川以北幸全而中
朝兵將出庚癸日急西厓相辟公從事委以辦興公
出入巖僻竭誠論募轉穀致孔道州郡者爲石二千
朝議滋欲倚公以集事拜招諭 御史俄進號調度
使其秋貞孝夫人避寇伊川棄世於逆旅網罟兵荒
還離鉗迹存不逮養沒不及舍至痛纏骨日夜哀號

竟以癸巳三月殞其生得壽厘四十八返葬南陽晴
明山負丑之原公長身秀偉表程若一篤實剛介不
屑爲波流隨俗當官揆義一循繩尺同時名論無能
出其右者至相謂曰忘身殉國夷險不貳當求之古
人矣而亨奎順軌起而中躋位不克升朝年不免稱
天其得之天與人果何如也居貞孝公憂築室墓下
服勤致毀灑掃供祀雖微必躬喪除奉太夫人滫瀡
調適嬰負保而赤子慕公退必詢旁侍以今日所進
食幾何平生未嘗以關節及人人亦未嘗敢以非違
于公見有過失面斥不饒而宴處恂恂又接物以和

吳判書億齡公妹婿也嘗言入而聆貞孝公庭訓必
本忠孝退與直學遊其規模風範亦貞孝公而已世
父忍齋公慎許可獨重公器業贈以綱目一部曰表
率門戶托重在汝異日致厝宜責是書公之在理愚
伏鄭公亦同坐繫見公悲憤激烈幾不欲自全旣老
猶稱其氣節卓厲風霜不撓令人起敬云南陽之洪
祖金吾將軍先幸九傳節度使諱貴海 贈左贊成
卽公高祖生承旨諱河 贈領議政生經歷諱彥光
贈吏曹判書是生貞孝公此曰昌寧曹氏縣今益備
女婉李氏 恭靖大王之後郡中希義其考也婦德

甚備事君子以禮大夫人暨公喪邈處異鄉諸孤並
弱夫人獨當大事自殮殯以往無纖毫遺憾恒泣謂
諸孤能力學有立不墮先業卽未亡人下報而翁有
辭也後公卒二十年年六十四終葬公墓左舉三男
三女男長懲次府使愨次監司憲女長判書沈諱次
李亨胤次李先立懲有庶子某某府使有子某夭三
女某監司五女某庶子某某族子某實爲後判書生
司諫東龜亨胤生女某先立生正郎旭子某女某公
歿三紀監司君錄昭武從勳又十九載接閱東節再
贈公至吏曹參判嗚呼今距癸巳向七十年以久代

遯事遠泯然無徵略叙公世德宦跡及閨門子姓而
系以銘曰

翼翼洪公執德不飢正色當朝貞孝有子玉署嚴顯
羣儒所邁公優其選進冠文圃長松挺特霆霹不時
鴻雁在網 聖主曰咨丹書始滌大命以傾善罔獲
報其理則冥詹彼南陽實維瘞璧攻辭納幽以質金
石

東州先生文集卷之八

